

巴東縣志卷之十五

藝文志 上

誥

宋贈故開府儀同三司太子太傅上柱國萊國公

寇準謚忠愍誥

夫狗義保躬賢哲罕兼其致原心觀行褒沮得伸其公
惟節惠之舊章實經世之明勸不有正議孰旌遺烈故
開府儀同三司太子太傅上柱國萊國公寇準器質莊
重風猷簡貴感會先聖綢繆上司明心若丹直道如矢

巴東縣志

卷之十五 藝文誥

勅

一

逮余主鬯之日實乃秉鈞之秋圖惟協恭罔有二事邁
盜言之噂啗挾危法以中傷白璧易污貝錦難辨再罹
遐謫遂及云亡終悲寒露之歸徒軫幽泉之痛間雖滯
伸澄雪追賁寵嘉而誅功揚名尙闕恩禮沉謀祕畫淪
於疑論逝者莫愬朕甚憫之謚法有危身奉上曰忠佐
國遭憂曰愍合是休典慰其熒魂宜特賜謚曰忠愍

勅

明賜廣東廣州府番禺縣知縣譚子周致仕勅

朕惟聖人之孝愛其所親繼志推恩朕所當務爾以才

器事朕皇考太祖皇帝建文之際黜爾爲民朕卽位之初思皇考所任之人召致錄用爾旣來朝而筋力衰邁弗欲重勞以事特賜冠帶宴賞仍舊職致政歸榮鄉里遂其優游撫爾子孫勸鄉民子弟爲善爾其欽哉故勅永樂二年四月二十七日

記

寇忠愍公祠記

宋敷文閣待制 王十明

詩言志非謂其必出於作者之手而後見其志也後之人有取於古詩一章一句而賦詠之亦足以見焉國朝

巴東縣志

卷之十五 藝文記

二

太平興國中寇萊公爲巴東令有野水無人渡孤舟晝日橫之句識者知其必大用然世知誦公詩而不知是詩本出於韋應物公取其七字析而增之應物雖能道是語而官止於郡刺史不見於設施殆不過爲詞人之詩而已及公取而用之則果能舟楫巨川是豈後人因其已試之效而爲是傅會之說耶蓋公雅存濟世之心與舟橫野渡之意合正猶鄭七子之徒取風人之章而賦之言發諸口而肺腑之隱洞然可見志之善惡身之吉凶禍福皆口不能逃趙子皿之所料也公爲是邑時年方

踰冠有愛在民世呼爲寇巴東其後致身宰相踐其所
言景德澶淵之功尤爲雋偉方契丹入寇中外洶洶當
時苟從建議之臣幸蜀江南則敵馬不止於飲河洛而
三光五嶽之氣必分公獨毅然決親征之策鑾輿一動
醜類自斃社稷安於泰山天下混一者二百年較其功
烈與傅巖之人任舟楫之寄中興有商未可得而輕重
然性素剛直不與物浮沉晚節爲奸邪所擠流落南荒
以死天下至今哀之十朋頃過公安問枯竹再生處有
祠在焉因賦詩弔之過巴東舊治訪其祠則已廢矣惟

巴東縣志

卷之十五

藝文記

三

秋風亭倘存則又賦詩有不似公安之歎縣尉王寧孫
者永嘉人也因命其建祠塑像寧孫卽亭祠之旣成以
其圖來有毛君恕者令是邑集公詩百餘篇并刻予詩
以寄且請記之予生平欣慕公之爲人每歎靖康間復
有如公者出則南北豈至於分裂耶公之事固予所樂
書尙奚俟乎再三之請然巴東古祠遺像廢而復興殘
編斷藁散而復集江山增氣如公更生雖發端於予而
卒成之者令與尉也皆不可以不書乾道二年八月朔
日左承議郎充敷文閣待制知夔州軍提舉學事兼管

內勸農使充夔州路兵馬都鈐轄兼本路安撫使王十朋記門生右交林郎奉辟夔州路安撫使司幹辦公事王蒙書門生左修職郎充夔州路鈐轄司幹辦公事朱灝題

重修廟學記

明訓 楊培之 閬中人

巴東爲楚西劇邑攝乎秭歸巫黔之間形勝聞於天下其廟學建置歲久莫稽其詳邑志謂洪武初建正統成化間重修繼因山溪潰流野燹延藝文廟僅存環堵春秋釋菜縛竿帷席以從事生徒把茅緝藩而游息焉嘉

巴東縣志

卷之十五 藝文記

四

靖甲辰秋麗水葉侯禎來宰是邑首以作興學校爲務日進培之暨生徒與之講業業顧瞻廟學嘆伊誰之責與培之曰凡人以修建爲難者用財於官則上疑用力於下則民擾易於爲者或不能終怯於力者或不能任侯曰是不難顧處之何如耳於是召治民萬祥一輩數十人以大義諭之咸樂捐營若干缙以助厥成乃庀材僦工仍故址而益拓其基首建 文廟凡八楹翼以重簷增節於舊次及兩廡各十二楹因地之崇卑爲樓以稱從祀下爲號舍以居生徒中爲戟門六楹與兩廡稱

外爲櫺星門四楹又外爲芹宮坊四楹金碧焜燿遠邇壯觀芹宮坊左爲成德坊右爲達材坊中爲儒學門房間近江隙地爲書院樓五間廡以明道外樹之門廡以逝者如斯咸寓道體以不教也是役也經始於歲乙巳春仲之吉越數日適學諭涂君允寬來自武寧相與贊襄而落成焉財不動於官而用自贍力不藉於民而工日積惟行之以公感之以義耳今年夏侯有梧州郡佐之擢邑弟子員諱以漸偕諸生造曰侯之功大矣宜紀之石然知侯之功知功之始末者惟先生敢以是請培

巴東縣志

卷之十五

藝文記

五

之曰侯之功誠大矣匪石之能紀也惟茲廟貌聿新宮墻再啟由是路出久是門者裸將思敬潛修思靜皆侯之錫也爾多士涵樂育之化而申之以敬靜之功德業所造將應運而與以鳴斯世以大建立仰承我聖朝右文之盛典則侯作與之功將銘於承永而勿替矣巴山片石烏足爲之重輕特紀其工之歲月云可矣諸生唯唯遂書而刻之於石

重修廟學泮宮坊記

明邑教諭徐恬
筑陽人

巴庠自萬歷丁亥靈璧高侯改寺基而復故址殿廡堂

廡悉如制一時勞心偉績迄今誦滿人口不衰第厥地負山阻江區屬一線諸所營置大都各相地宜而曲就之以故瀑布瀉於廟左雨甚則水石并下門毀砌崩曰就頽圯大中丞南平趙公以辛丑撫楚取道於巴欲爲改遷讓之西不果明年壬寅歷陽張侯來宰是邑首廟謁焉謁旣則周視廟左之谿流未之直下而顧欹引於前適當糯星之門爲相者所病庠故無類藉江爲類而氓居蔽其前又重門水清而漸湫名宦鄉賢祠傾而合祀垣墉鞠爲茂草而廟廡通往來侯用是慨然曰曷有

巴東縣志

卷之十五

藝文記

六

於茲若陋若舛安在妥先師之靈而興起人文也其務脩葺以輝俎豆不可乎於是亟請之中丞公中丞公隨檄面確之謂余嘗計遷其次莫如葺善哉茲舉其裨於巴人士殊厚侯唯唯旋上說觀察會稽周公郡伯四明徐公州牧赤城葉公咸力勉其事發鏹有差爰進博十第子員共畫焉懸鍰致材諷日鳩工曲者遂之礙者撤之卑者崇之簡畧者增置之廢壞者整飭而更新之於是乎淤水順而淖以壑於是乎衢道闢而類有表於是乎重門特進於舊基之三級而爽塏最於是乎宦賢

鼎祠于戟門之兩隅而祀典明於是乎垣無圯砌無敗覆無滲祭器無缺而宮墻煥蓋二十載之前於高侯彰其美者今復於張侯盛其傳矣工竣故事官師得記其事徐子因屬諸第子員而最之曰脩序者令之職也序脩則職脩令無歉矣諸士罔知脩其在已者則作人之謂何荊故稱多材地而巴又密邇屈宋之鄉以故徃哲輩出無論已即本朝如譚給諫王都憲楊春坊之數君者夫非表衣表于茲庠者乎而今竟寥寥豈盖地不利乎其尚淬勵家脩追跡先達彬濟廟廊以丕振數十年淹

巴東縣志

卷之十五 藝文記

七

悶之文連斯無負脩者德意而余亦與有榮施哉諸弟子員稽首曰敢不勉蚤夜以仰從規誨以毋忝諸大夫之嘉命趙公諱可懷周公諱應中徐公諱時進葉公諱承檣高侯諱尚德張侯諱尚儒皆有功于巴庠者茲役也經姑于甲辰之仲冬落成于乙巳之季夏董之者邑佐甘君文斐金君秉節而分督之者邑人向析向銓向伊唐可言其子皆爲邑諸生萬曆乙巳秋仲徐恬謹撰

連理閣記

明知縣

張尚儒

和州人

天下之物號爲珍異住祥者不常有於世世亦無從知

之故雖有嘉植奇卉每混于品彙儔伍之中必待積久而後見巴東縣齋後卽巴山之麓有棗二株相離三尺許株各二幹中兩幹曲向而上合生爲一余壬寅任是邑蒼頭見之而不知其異不以告余會大中丞趙公議遷是邑檄赴武昌徃來壽度吏事事旁午未嘗足履其下越癸卯夏蒼頭忽告以棗之故余視之果然問之邑縉紳先生及老子弟舉未之知問之邑博徐周兩君兩君愕然驚欣然喜曰是名連理物之最佳祥者何以生此余喟然嘆曰詩有之梧桐生矣于彼朝陽言佳木非勝

巴東縣志

卷之十五

藝文記

八

地不產守土者見巴之民生凋耗水火頻仍不思所以修政修教率罪地脉往往議遷由今觀之棗之連理而生地效靈矣于是白之中丞公刺史徐公仍舊便報曰可而徐周兩君邑縉紳先生及老子弟咸謀所以表其異各捐俸輸木負石鳩工建閣於棗之傍兩踰月而閣遂成因以連理名焉先是有形家者言縣治學宮俱本巴山之脉負陽向陰當於縣齋之左學宮之右建高閣始足接高山之雄壯縣學之勢故閣遂按方而建廣十有二尺深如之高十有六尺東面開牖南比爲隙窻登

是閣者右職巴山千尋聳峙左職飛鳳山萬姻蒼翠俯視江流浩浩風帆歷歷皆在睇眄之下而民生盛衰登耗之故居然睹矣觸目激衷隨俗雅化奉法修理與民休嘉當必有謀所以鎮撫巴民者斯一閣也豈徒壯形勝表佳祥已哉嗟夫巴固楚下邑宋寇萊公宰是時盖有江北岸也南宋徙今治幾五六百年于此其棗之連理不知生于何時歷宦茲土者不知經幾人巴之人往來其下者不知幾千百數卒無一人知其異余任踰年始見之得徐周兩君而始知其祥不亦畧耶故珠藏玉韞物之珍異不易知也類若此不易知而卒未始不可知此閣之所由名也故記之萬曆癸卯季秋巴東俗吏張尙儒記

重修壽寧寺記

張尙儒

余觀壽寧寺廢興之由而有感于儒佛之際也儒佛不同道而世之儒者往往竄入於佛非佛之足以勝儒也世無真儒一切聲色貨利染濡糾纏而不能割而佛之捨愛忍慾慈悲度世之說反得而抗之而其徒聞佛之說者心志耳目手足毛髮惟佛是歸能堅持終身而不

變有吾儒之所不逮此道連奉佛之誠余竊有取焉道連壽寧寺僧也寺負山帶澗清泉一泓泠泠不竭夙稱幽境自唐貞觀始基之宋太平興國忠愍寇公令巴東嘗登覽吟嘯于其間有白鹿繞泉而鳴爲公拜相之兆而寺綠此增勝矣迨我明弘治正德間僧人悟聰輝天相繼修葺而更飭于嘉靖之圓勤寶殿重樓與茂林修竹相爲映發而幽勝迺甲一邑無何隆慶辛未學宮燬而好事者改寺爲學僧徒傍處出入益不利越十五年萬曆丁亥復爲寺而殘圯敗壞之狀殆有不忍言者時

巴東縣志

卷之十五

藝文記

十

惟道連領袖衆僧勞心苦骨募請檀越竭力修之造大佛相五尊阿羅漢五百尊已又建天王殿三間而大士金剛諸法相無所不莊嚴已又建相公泉亭三楹環植以竹而今且謀及山門矣辛勤積二十餘年費近千金噫是非大有功于佛者乎余令巴五年暇則偕廣文青衿坐山亭中汲泉煮茗縱談終日或登峯看月散步微吟今守秭歸三年所而山色泉聲猶儼然注在心目道連迺鑿巴山之石謁余而請爲記且曰僧老矣無能爲矣唯高公生祠未建死有餘憾爲之泣數行下盖復寺

者邑令高靈璧也高復寺爲儒非爲佛也崇儒則建學
學建則寺復而佛亦因有賴焉此道連所以思也大都
寺自唐宋以來遞有盛衰而隆萬之間乃興廢一大關
鍵不有靈璧則寺不可復寺復矣不有道連則不足以
新殘圯而昭舊觀道連之功視圓勤諸僧萬萬矣嗟呼
世有真儒安所事佛獨怪今之號爲儒者孰不侈口賢
聖而行實悖之甚有過孔孟之宮掉臂不顧不惟有愧
靈璧視道連奉佛之誠生死唯佛寺是圖者寧無汗顏
乎然則佛之徒如壽寧道連者曷可少哉余故于其請

巴東縣志

卷之十五

藝文記

十一

而樂爲之記因有感于中而不覺言之喋喋也萬曆三
千有七年歲次己酉六月吉日奉直大夫湖廣荊州府
歸州知州前知巴東縣事新安張尙儒撰

重修連天關巡檢司記

明縣令

李光前

劍閣人

巴令光前視事之半載蒙荊郡轉奉守巡防三道檄曰
連天關界在漢彝關廢彝訶曷以時葺之考連天關在
縣後二都與紅砂堡成犄角之勢厥後歲久易湮時民
易玩漸移之金雞內地而堡軍孤懸彝酋猖獗矣光前
爰捐金移粲躬至其地相形勢劈草萊委署關南邏巡

檢程中達治材督工後都之民欣然趨事以爲設關遠
害曰也競構巡檢司廳一間左右弓兵房共四間門牌一
間而土著居民覃大恭被劉酋之害尤慘協力建哨樓
三間豎界表二植原設弓兵三十名與堡軍五十三名
首尾常山屹然成邑南隄塞矣第治人與治法常相須
而戍兵與抱關難缺一嗣令是邑者其不時修葺加意
隄防庶可垂百年之保障耳

按李光前于萬曆壬子蒞任是年蓋萬曆癸丑也

新建信陵書院記

國朝 邑令 饒拱辰

道光十五年秋八月拱辰奉檄蒞官巴東既視事會

巴東縣志

卷之十五 藝文記

十二

諸生明倫堂講書教以講書勵行問諸生平昔所
爲學博士徐君言曰諸生多苦為貧累又巴東故
未有書院會學無所切磋琢磨無資能盡心於學
問者蓋少拱辰為古人論治以厚風俗培人才為
本培人才又為厚風俗之本人人才出於學校而書
院之教即輔學校之教所不及缺而不備烏乎
可愛與徐君亟謀建置之策以斯事體大費不貲
為難既而邑及老子弟咸鼓舞舊興願出財力助
役先後共輸錢八千貫有奇拱辰則大喜與徐君

選司事者數人協心併力圖始慮終廼買地相宅
廼鳩工它材前為講堂講堂之下左右為齊室而
學有地後為堂設主以祀宋周程朱張五子而學
有宗堂左右為經師之館為藏書之室為儲穀之
倉為遊觀之圃其他廚竈日用之需器具又建試
士之場於講堂右垣之外置田產若干師生修脯
膏火食米出焉定其條約俾維持勿替巴東古信
陵地榜曰信陵書院是舉也用錢四千貫有奇存
蓄之數亦如之以道光十七年四月經始至十八

年正月竣事巴東之人蓋慕義嚮風而亦人才蒸
動變化之機故成功敏易若此抑更有進焉諸生
既有會學之所有切磋琢磨之益將惟是習文藝
取科第為富貴資耶抑將讀聖賢之書講明義理
修身慎行使母為君子之棄而小人之歸也夫工
文藝以博取科第固今乏學者所不廢然使無講
明義理修身慎行之素毋論文藝未必工科第未
必得工矣得矣其不為士林詬病生民患苦者幾
何而講明義理修身慎行之君子其文藝必能卓

然自樹立於流俗之外得科第將有益於世不得科第亦能爲鄉黨所倚賴而矜式學者將何從焉先儒有言學莫先於立志莫先於義利之辨今之學者其大患固在志之不立與義利之不講安誠使立志爲賢人君子而辨於義利之途雖遇合有窮通時勢有難易其所自處者必有道其所自見者必有本嗚呼此肄業諳生之所當決擇而最勵者也昔朱子白鹿洞學規爲凡學者入德之要其論學者立志書與陸子書院講義尤切中今人之

病拱辰嘗鈔置座右而附以蔡忠襄聖門律分數條朝夕自循省今請徐君書之縣於講堂俾諸生觸目警心審端用力以無負拱辰與徐君勸學育才之意焉徐君名開裕荆門州當陽人學樸而行純以拔萃爲巴東儒學教諭是舉也徐君之功最多董其役者貢生田攜吉附生譚作霖王國楨廩生諱賢道楊步雲魯振之武生朱正元監生陳宗浦法得備書道光十八年季春新新城饒拱辰起

信陵書院牆北隙地數丈許有古碑人或曰是三
公碑也三公者明縣令盛公杲葉公禎鄒公光裕
有德於民民祠之縣志載三公祠燬於火而未載
有碑拱辰往觀馬字漫漶以水濯之乃可讀蓋明
萬歷時張侯生祠碑記也張侯諱尙儒治績尤茂
以萬歷壬寅宰巴東丁未擢知歸州民立生祠以
志去思而後令李公命世爲之記碑前數武又有
一斷碑半撲地半瘞土中拱辰出其瘞者與撲者
合觀之乃亦張侯生祠記而邑士田筠爲之者也

其石多剝落不可讀就其可讀者得大概以知今
書院地蓋張公生祠舊址在焉縣志紀張公宦績
而未載其生祠及碑今人知有三公祠而祠不可
見乃或誤以此碑爲二公碑則三公祠之有碑明
甚顧未知湮沒何時張公生祠及碑記康熙時志
已不書豈祠廢已久修志者固不知有此祠耶抑
知之而無從徵實以書耶然而兩碑猶在斑斑可
考豈兵燹荒蕪當時亦無從聞見耶志頗畧而兩
記中言公治行甚詳皆於公勸學廩士三致意今

書院卜地不於他所而適在公祠舊址兩碑者晦塞二百餘年矣因時邁會乃復光明於一旦公之德以有書院而再顯書院之舉藉公之遺烈而振興得非公之靈默爲呵護而佑此邦之人士耶而拱辰德薄才鮮於公無能爲役乃以建書院故得公之故跡而表揚之若公於冥漠之中重相付託假緣於拱辰以復彰此二百餘年之盛美豈不幸甚拱辰獨憾乎張公生祠已有碑可考而三公祠之載於縣志者今無從得碑其又以待後之人篤

志希古者搜羅遺缺與未可知也李公記於萬歷戊申稱前事不忘後事之師而田君詔在前一年丁未亦稱李公有依然豈弟杜母益光君侯去後思之言然則李公者固亦不讓美於前而志宦績者不及焉何也拱辰今得代有期矣與學博徐君及書院諸生謀卽牆北隙地仍爲祠以祀二公與張公合爲四公祠移兩碑植祠內以留遺愛見斯民之直道且俾學者知書院之成事非偶然用益企仰而勸勵於學諸生皆願從事拱辰遂爲之記

以告後之績修邑乘者毋遺焉道光戊戌孟夏撰
重修秋風亭碑記

國朝 黃桂昌
邑令

古之善爲政者因地而制宜乘時而敷治所濟者
大所謀者遠當世利之千百世共便之聞其風者
異地猶嚮往焉況身履其境就仰前徽其流連感
慨宜何如耶桂筮仕楚疆而權巴篆巴邑古信陵
寇萊公之舊治也流風善政數百年來及老子弟
謳歌頌禱迄今弗替桂耳熟其政穀心敬誌之詢
其遺迹重爲修理懼其年之久而訛其傳也爰舉

巴東縣志

卷之十五 藝文記

十七

事之足据澤之入人深者泐之於石誌之以詩俾
籍古者得所考覈焉邑上聯巫夔下通荆郢浪駭
濤驚險灘林立而治前濱江畔潛有慳石綿旦波
腹如持衡然工人以石秤呼之銀翻冰立劍倚戟
排丹行至此咸若陽侯虐公謂衡之不平燕雀之
所以需五六也鑿石如錘以鎮之風帆占利濟焉
蓋以平正之心平水安水之患寧民夫豈後世星
術家厭襍小技所得擬其一二哉巴四面皆山艱
於種植公使無曠土無游民覘其土之所宜導之

樹蓄擇地建勸農亭躬爲督率井里桑麻今稱沃壤俾此邦之人咸安耕鑿得以樂其樂而利其利厥功亦云偉矣桂才慚製津官等繫匏景仰芳踪嗟咨遺愛覩春水之安瀾聽春耕於叱犢雖不敢謂克繼瓣香而祖前述徃盡忠補過之私衷竊怍怍一動之足爲序

新修火峯文昌閣記

邑廩生 薛一州

火峯屬信陵治爲巴楚通衢烟火百數十家耳而文昌閣之建何自昉哉緣咸豐八年秋諸同人以

巴東縣志

卷之十五 藝文記

十八

本境風俗日偷人心漸漓欲商所以挽救之州曰鄉曲無醇風修士之青也有 朝廷頌存 學宮宣講條規在盍請而行之衆唯唯於是每朔望則齊集合并行讀濶禮講

聖祖仁皇帝聖諭十六條俾各讀書力田型仁講讓勉爲 盛世良民並以天道福善禍淫之理載在經史者委婉開導之始事時惟州父子叔叔姪兄弟暨本境紳耆數人行之期年樂講者衆助講者益多不第士習民風駕於往習卽下逮婦孺亦曉然於

善不善之分而遵循罔外焉顧又慮事之難持久也爰欲公立講室顏曰歸心蓋取格心向善德歸於厚之義惟地近市廛頗碍塵囂乃擇於里中不毛之小山買廟基一段以祀文昌關帝呂祖並觀音大士糾查天君其地左則清涼寺之廟田右則胡務善之山界也尖峯亂石蓊莽叢雜雖開闢匪易而靜雅有餘既去地值十千有奇復公同解囊摒擋建樹或購材或鳩工凡與講會者皆樂輸而職事焉自咸豐十一年八月十五

日朔始至同治元年壬戌八月十六日落成越周歲經營而後爲神殿前爲講廳旁爲僧寮又旁爲香厨事事備矣統計貲費除在會共捐錢七百餘千外其有遠近好行其德不募飲助者亦不下數十緡迺者廟工已竣讀灑如初請同人以爲火峯雖蕞爾地而文昌閣之建實肇自宣講以遵王化以培文教以端風俗以正人心此齊民盛事不可不勒諸石以告將來俾後之人亦得永守而弗替也州是之爰摭述原委而爲之記

重葺寇萊公秋風亭記

邑令朱滋澤崇州慶人

風二氣之化行秋者歲時所以成物也陰陽之氣孕於冬育養於春夏必成乎秋者肅其善刑其惡而後物類乃有成業也噫推之人事何莫非然當國家運平世久煦焉春阜焉夏善之物莫不休焉而滋惡之物亦遂蠢焉而聚及是時也無秋風剛勁之氣以刑肅之猶守乎煦春阜夏之道欲天下之定安而成業其可得乎余於寇公名亭以秋風慨然千載下想見其人焉有宋太祖既定天下煦焉阜焉太宗承緒四海萬類若春育而夏

巴東縣志

卷之十五

養矣至真宗則養成夷狄之勢契丹南下舉朝失魄微公趣進輦而振河北之軍卽北宋之業不成豈待靖康然後南渡哉若公者真朝廷秋風剛勁之臣也其有功當世亦若秋風之肅歲時而成物然則歲歲世移煦阜養育既久天下恒若有夷狄之患欲如公者一振秋風肅歲之功以定安而成業若恒不可得嗚呼焉得千載下不慨然想見其人歟余權宰巴東既重葺公亭登高憑覽層峰矗峽長江中塹颼風裂襟覺草木飈動水濤噴湧颯然蕭森四時若皆有秋之象焉然公邈矣不禁

秋風之慨云

大清光緒五年秋九月權知巴東縣事崇慶朱滋澤撰

說

衙說

明教
胡邦謙
蘄州人

余委郡經乞署學博士冀多材切磋以擴素業竟得巴東則數也抵其境見住址闐闐崎硯凌架已咤另是人間及躋遷學爲故壽寧寺荒險轉甚又不似人間寺有正旁小樓分左右爲兩衙內外無蔽氣象陋褻猶然僧刹不可一朝居也遷僑於邑之分司閱屢月尋以公所故移僦朱生家徵市宅得并資其器什無何謀恢復舊學若干鈞在負而莫自釋者由是院道久請學宮衙宇

巴東縣志

卷之十五

藝文說

二十

工并興而成以次急先務也余庇弈葉宦蔭其所居處雖非華廣亦未嘗抬頭不得每暫止坐稍不整潔輒蹠跼不安邑候仰峯高公窺余意戒諸工曰世家貴介哉斯衙須壯而完哉若之何而坡坂哉親潔厥基其甃砌材木規制悉以朱宅爲式擇吉起豎而瓦覆之會侯以覲行余以試行署邑者不得人學工所需之公帑金矢至錙銖無存貯而衙遂爲道旁舍矣比余北還衙之牖壁半爲剽竊亟環棘衛之歲月漸積落成無時櫻諸曾臆無停刻屬正官再缺署官亦缺無可告而權又不在

不獲已懇託於邑倅陳君蓋藉其鳩工而貲費則在余也余多方區措黜苟畧而尙堅繳豈避易趨難哉特爲久遠計耳時遷秩報在邇議者觀者咸嗤余癡余聽之然則嗤癡而不自以爲癡也余憶甫至時棲息靡所孑然一身几公私日用取給者一切皆無而有司愒若罔聞假之鄉土暨諸青衿又無應者真如窮人無所歸因笑信乎窮人故所遭之窮若是也余爲窮懼衙成而几榻飭飾之類復瑣瑣剖俸不啻經紀其家亦知余寄人也匏繫幾何期遞相傳以爲公物使來繼者不苦窮於

巴東縣志

卷之十五 藝文說

二十一

甫至而已敢自以爲功而誇示於後耶嗟夫事立而或仆者有之矣斯衙也自他庠視之未免蹙隘在巴庠不已爲過乎司斯衙者盍思營創之艱一瓦飄動則正之一椽陳腐則更之不令其蠹而後幹焉庶幾始終相成而斯衙永有賴矣爲無地所限即明倫堂爲衙之廳事從衆論且於正衙便也堂據白鹿崗之陬山屏江練遇於日禽嚶櫂歌得於耳檐楹高敞風景雜陳朝斯夕斯亦勝區也豈造物者助宦況歟因援筆成說呼酒引滿而嘗之曰斯衙固天運人從哉三鱣之升自茲始然余

力所逮者止此若開拓而增益之均後君子責也余何與焉萬曆庚寅仲冬吉日黃蘄淡川居士胡邦謙識

二樗說

張尙儒

縣治故無城郭負山面江僅僅一線之區官舍蕭條墻堞傾壤左去學宮惟間以土垣耳余壬寅夏蒞茲土公餘晏坐每見土垣間二樹挺生枝葉扶疎而上有若爲余左蔽者越癸卯秋余因連理棗而建閣於衙後茲樹實當閣之北高與閣齊夏則綠蔭茂密冬則天籟怒號朝晴夕月之間清輝疎影掩映窓扉於吾閣甚有當焉

巴東縣志

卷之十五

藝文說

二十二

而問誰樹之咸謂之樗嗟乎嗟乎豳風七月之什曰采荼薪樗食我農夫惠子有道者也謂莊子曰吾有大樹人謂之樗其大本臃腫而不中繩墨其小枝卷曲而不中規矩立之匠者不顧而莊子論山中大木以不材終其天年使樹而非樗樗而非樹於縣學之間將夭於斧斤余亦何有於樗耶樗亦何有於閣耶余性懶惰幼執經無所成名幸而以不材蒞茲土烏知余之非樗耶樗之非余耶余與樗有以異也無以異也則亦直寄焉以爲此地垢厲也而又何有於閣耶然而以余視巴以

巴視閣以閣視樗亦不可謂之無當也於是作二樗說
癸卯季秋張尙儒識

二鳥說

張尙儒

余任巴東之明年歲在癸卯因棗之連理構閣於其傍
冬十月閣始告成環閣而樹者無慮數十株有鳥來巢
於閣前之樹樹視左右獨卑若可舉而掇也余甚危焉
適入計期迫叮嚀家僮善護之迨余北返問家僮以鳥
狀曰是名爲鵲是善爲巢者也是能爲占喜者也是且
卵且翼殼之爲音者也無幾何時鵲俱飛去而鸚鵡且

邑東縣志

卷之十五 藝文說

二十三

代處此矣而卵而翼而飛猶之鵲也噫嘻茲二鳥何擇
哉而巢居若此先是巴之土燥民有焚如之嘆余稍令
民修葺其祠宇屋椽而余閣以是成因棗之連理得名
亦用形家者言培巴之風氣也而閣東向鳥巢亦東向
不後期不高棲不倚左右而對峙於閣前鳥其有知耶
鵲去而鸚鵡代處鳥其盡有知耶鳥巢成而巴之縣學
且曰新民居且曰輪魚也鳥其先有知耶夫鵲以喜名
而鸚鵡亦以慧鳥名不誠然哉余不爲二鳥異而竊異
余之閣若有動乎鳥也鳥且動之而況於民也鳥有安

巢民有寧宇而余又何負於茲閣也於是沾沾焉漫爲之說明乎與昔之賦二鳥者殊也甲辰孟夏張尙儒記

新造紅舟說

李光前

巖邑之苦於無紅舟者有二難縣治在江南行臺在江北使節忽臨緩急弗濟其難一以小艇而捷迓送巖險波心其難二巴之距荊鄂千有餘里公事赴謁扁舟蕩漾目眩於秭歸之峻灘神搖於黃陵之飛濤其難三此三者冬春猶可而在夏秋則長民者興嗟望洋情景最弗堪已光前抵巴受事之初食息弗遑逾年解繩就

巴東縣志

卷之十五 藝文說

二十四

緒乃捐金買梓易篁造紅舟一舳泊之江濱以備利涉可以免此三難矣但稽前令造舸多載之旋里卽有留者滑胥或乘而鬻之則惟有將代時詳報道府庶可永垂利賴乎或曰公孫僑以乘輿濟人君子譏之子得非倣此歟余曰留床留犢吏稱爲良以舊告新令尹許爲忠余盡余心而已又何計企美前人遂搦管有是記萬歷癸丑孟夏吉旦知巴東縣事劍閣李光前識

田賦說

見舊志田賦下

張尙儒

按縣里有前後糧有多寡差有重輕原額編共人丁六

千五百七十五丁今逃絕一千七百有零前四里每工編銀七錢後四里每丁編銀一錢九分零新興里每丁編銀五錢四分又有半丁編銀二錢七分原額派共麥米二千八百石零前四里九百石遵依條編每年當差八個月每石編銀二兩六錢一分零後四里一千九百石不遵條編每年親當差四個月每石編銀一兩零而新興里之糧無幾附於前里之內此規制之殊猶曰相沿久遠不可驟易然而逃亡近半由編審之未確虛糧逋賦因畝數之未清蓋十年一造良法具備前里猶遵

巴東縣志

卷之十五

藝文說

二十五

而行之後里從來不赴縣審編其闔縣田地原無弓口可稽不過指地認糧易以增捐兼併欺隱在在有之而後里爲甚以致賦欠爲累若縣治狼狽邑居蕭條不過形體之病耳余於縣治稍稍修葺之似有起色而病根終未援去言之不勝扼腕但民固襍彝習染刁悍地復寥廓兼以險阻必欲履畝而稅逐戶而編非專精二年不能辦亦必當事者才望素著天日自矢不避勞怨而又寬以文法假以便宜庶乎可以有爲此實難矣儻巫有賢良乘其會乎

署中鐵權說

國朝 齊祖望 雞澤人

邑故有巨錘相傳始遷治時范鐵爲之蓋南宋間物也其高尺有二寸圍倍之其重八鈞體圓而紐方狀若覆鐘立之廳事前五百年矣土人曰縣濱江以鎮陽侯也又曰有衡在江中此其權也嗚乎自宋歷元明以至於今中遭兵燹之變不知几幾近內申丁酉之際縣治爲墟而是權獨以其百鍊之形不沉埋於草莽不淪于泥沙不燬銷於寇賊謂非有鬼神呵護之不至此此亦奇矣顧余思

巴東縣志

卷之十五 藝文說

二十六

之權者所以平天下之不平者也而胡爲乎鬱鬱以居此居此而無所用與沉埋等耳而天又何事全之於草莽泥沙寇賊之中似有今日則天固不終聽其鬱鬱以居此耶然而非權之所敢知也

辨

署中鐵權辨

荆宜施觀察使 陳大文

衡之用非權無以持其平是二物者固相合以爲用也天下有衡自爲衡權自爲權而得權衡之用者乎無有也若衡本非衡而第假物以爲名惟權

實爲權又豈可以持非衡之平乎亦可必其不能也然於天下事有可解有不可解有可知有不可知曩余典郡渝州往來之人嘗告余曰巴東江上有灘截江而綿亘有衡之灸焉俗呼之爲秤籛岷江之水至此汜濫峽束流奔故其勢益險惡而爲患凡舟之經此者恒多覆溺人皆比之王陽之九折坂聞宋時寇來公宰巴東以灘爲不利於世鑄鐵權以鎮之於是灘以無患余聞而心異其事然亦不暇尋其所謂鐵權者歲己亥余分守安襄癸

卯冬又量移荆南歲之二月于役咸豐道出巴山訪求逸事向之所謂織權者果見之於縣治焉古色斑駁重數百斤第向聞之而今乃見之矣豈偶然也耶吾思寇公釋褐巴東化行俗美迨其後相眞宗定天下澶州之役勸帝親征契丹奪氣不動聲色而措廟社於泰山之安其豐功偉烈彪炳今古豈以一權爲輕重也者而必以爲創自萊公歟及考之邑乘亦不詳其鑄自何人傳於何代第以爲南宋時鐵權始遷今治士君子居今稽古疑以

傳疑然則流俗之說可盡信耶且夫灘患之除果
權之力歟此亦可解而不可解可知而不可知矣
彼夫豐山九耳之鐘何以霜降則鳴堯堦屈軼之
草何以見佞而指聖人創物愚不肖守之權故歷
久而不廢也雖衡自為衡權自為權而仍不失權
衡之用似非無說以處此不然何以未有此權以
前灘若無所制以為患既有此權以後灘若有所
稟以長安其亦形家物理生剋之說為近之歟又
何必附和雷同而以為萊公所創也哉爰為辨以

巴東縣志

卷之十五

藝文辨

畧

二十八

勒諸石乾隆甲辰仲春湖北荊宜施觀察使吳門
陳大文撰

畧

建熨征旅經巴畧

明李光前

先是播彝發難震驚西南半壁之天下少司馬佩上方
劍控制蜀楚黔三藩移檄各總戎調集健卒八路會征
而巖巴適入蜀孔道維時貔貅虎賁入蜀出楚者旌旗
蔽野戈戟成林雖軍旅各有紀律而以二家之市走八
足之蹄困敝十室九空矣厥後夜郎平而巴江殘民數

年未起相語猶涕泣也邇來建昌猱彝弗靖乃當事者失馭養癰疥以成癰疽耳竟弗能殲仍借劉元戎之師以征劉師不滿數千而傳檄十萬無非欲褫番彝魄也巴民悉驚惶逃竄余曰劉師水路直需夫數百陸路直需馬百匹耳預爲募備豈能殘虐而愚民之驚惶未釋也會守巡道暨本府移文安民且申嚴禁諭以爲建棘么魔與播州大寇不同而劉師一路與昔八路迥異且昔有制台控楚而今則事屬隔省劉兵止溯流入蜀足不得走險累楚夾旬之外劉師舟舸數十號果由水未

巴東縣志

卷之十五

藝文畧

二十九

陸供應挽舟夫數百而民恬然衽席焉邑令李光前曰巴民乃傷弓之鳥值水火迭災之後畏兵如虎而劉師之秋毫無犯緣檄諭森嚴一見心折耳古有一言而退百萬師一行而勝十部從事道府九鼎之力也仁人之言其利溥哉

防巴紀畧

齊祖望

康熙十八年九月十七日望抵任視事時賊渠王鳳岐楊來嘉等拒巫山衆號數萬我兵駐西瀼纔三千人襄陽劉總鎮又奉順承郡王令引兵回汎

邑危於纍卵望日與遊擊許嘉謨劉進朝密謀防禦時或駕小艇過門扇峽以偵之會投誠副將李之楹奔巫山之楹素狡詐有胆勇且知我軍虛實議者謂賊旦夕且入寇人心大震望言今年二月賊自彝陵敗遁不守秭歸而守巫山此其無意於巴東可知李之楹反復小人卽有所請賊必不聽因揭示撫諭居民謂大軍刻期可到釜底游魚立見樸滅李之楹不識時勢徒取死耳之楹至巫山爲賊言巴東可取狀賊果不聽十九年正月川督

大司馬楊公與楚提徐公會師進拔巫山生擒王鳳岐解京師獲李之楹及其子皆斬之遂取夔州譚弘楊來嘉李春儒等俱降三月抵重慶蜀中悉定四月楚提自重慶班師蕩寇將軍貝子統八旗大兵過縣駐劄重慶閏八月譚弘反於萬縣川東響應李春儒復以施州衛叛夔屬各官有望風奔楚者聲言賊約於九月一日襲巴東意欲竦望與俱逃望面折之隨親諭居民以賊方誘集徒黨爲自保計耳且重慶兵躡其後必無東下心民佯諾

意望且東裝備不測密使人覘之見望方與弟羲
跣足坐圍碁於是邑中稍安十月水師遊擊劉進
朝王世祥敗賊于陪石擒其將易文奇是日鎮安
將軍及楚提率師至西灤遂取巫山及夔州與賊
相持於雲陽而李春儒仍拒施州衛張拱極拒建
始皆密邇巴東時巴東存城目兵謹十三人耳會
譚弘遣人繞道寇夔州官丘失利李春儒等遂謀
乘虛取巴東以斷運道聲息甚急望一面飭令團
練壯丁協同營弁駐劄風吹埡仍多爲疑壘嚴加

巴東縣志

卷之十五 藝文畧

三十一

防禦一面羽書告急請兵策應已而撫標及彝陵
鎮標漢陽安陸興國等營千把總各引兵至然有
兵無將彼此不相統攝脫有緩急不可爲用於是
復請諸諸中丞王公檄調宜都營都司僉書白良璞
總統各官兵相機堵剿無何彝陵嚴總鎮亦帥師
駐縣賊謀乃沮二十年正月蕩寇將軍遣梅勒章
英李公率舟師順利流擊賊大破之斬首千餘級鎮
安將軍及楚提亦進丘克雲陽時譚弘已死其子
譚天秘焚天賜城遁入開縣山中彝陵嚴總鎮發

兵由建始取施州衛望遣譚贊化等十餘人以總鎮往招之李春儒聞譚天秘敗遂縛張拱極詣軍前降譚天秘以官兵追急乃遣人賫偽印於楚提約期請降實以緩追兵耳及期竟不至後其黨皆散始赴川陝督部院軍前降蜀寇始定

詳

請嚴邊防

康熙二十年十二月詳

齊祖望

巴東縣爲漢疆旣復蠻患宜防請嚴一定之章程以保萬年之民社事竊照容美土司侵占巴屬連

巴東縣志

卷之十五 藝文詳

三十二

天關以北桃符口以南一十三圖土地人民屢經望申詳各憲疊蒙撫部院移咨提鎮照依舊制酌撥官兵一百五十員名分設紅砂堡連天關桃府口苦竹溪等汎業經彝陵總鎮嚴飭行遠安營把總王秀玉領兵赴防並將赴防日期咨明 攬 兩憲在案續蒙本都院查明府縣志書又將紅砂堡連天關等處是漢非土緣由飭知該土司並咨會督撫部院及提督彝陵鎮在案復於稟明事案奉本部院批據望詳前事奉批紅砂堡連天關等處

前據該縣申賚志書及荊州府申到總志查閱是漢非土已經照行容美土司在案今該縣詳內備述舊案鑿鑿可據又見漢土之界限愈益分明仰候再飭該土司知照並候咨覆彝鎮及督部繳等因批行在案是該土司軍屬容美糧屬巴東二語之誣固已葛藤盡斬而本部院是漢非土片言之折遂成鐵案難移卽今紅砂堡防兵久已抵汎該土司所遣土目田克敦久已撤回所少者該土司一紙遵依與本都院一番質審耳但伊旣理曲詞

窮不敢就訊則無用之空文可以不取已成之定案亦可以勿問祖望所慮者各憲業已寬其旣往而該土司未必不肆害於將來當此之時倘不申明法紀嚴加禁制使土司無敢萌其覬覦之私漢民有以絕其勾通之弊誠恐數十年後邊人終未得高枕而卧也查定例內土官稱兵侵犯有司疆界卽以反論發兵証討如有殺害軍民應按律治罪嗣後容美土官倘敢仍前遣發土目帶領蠻兵侵犯連天關以內地方應否具題請勦伏候憲

奪查定例內土官不繕俸祿如有罰俸降俸等罪俱免處分應降一級二級三級調用者止降一級留任應降四級五級調用者止降二級留任應革職者止降四級留任如遇貪酷不法等罪仍行革職嗣後容美土官倘敢仍前令巴民餽送絲花等項及鎖拘大崗拷索財物應否照貪酷不法例叅處伏候憲奪又條例內土官土舍縱容土民頭目爲盜聚至百人殺擄男婦二十名口以上者問罪降一級加前數一倍者奏請革職另推土令信服

親支襲替嗣後容美土人倘敢於漢地擅行殺擄除係該土官所遣殺擄多者照刑侵犯例殺擄少者照前不法例外其不係該土官所遣應否照縱容例叅虛伏候憲奪又條例內沿邊人等躲避差役逃入土彝崗寨潛住究問情實發邊衛永遠充軍本管里長及兩隣知而不首者各治以罪又漢人交黠外國互相買賣借貸誑騙財物引惹邊釁及一潛住苗寨教誘爲亂貽患地方者除真犯死罪外俱問發邊衛永遠充軍嗣後巴屬邊民倘有逃

入崗寨躲避差役及爲土官出力攻打隣司搶擄子女財物並引誘土人入內殺害軍民者除眞犯死罪外相應俱照此例發遣至漢民向土官處私納稅糧未定有作何治罪之文查條例內軍民人等將爭競不明並賣過及民間起科僧道將寺觀各田地若子孫將公共祖墳山地朦朧投獻王府及內外官豪勢要之家私捏文契典賣者投獻之人問發邊衛永遠充軍嗣後巴屬邊民倘有仍立絲花名色措備銀兩暗輸容美土官者相應比照

此例發遣再漢人私出關堡者連天關巡檢司及守禦千把總拿送有司審明發落土人私入關堡者巡檢及千把總審無別項情弊相應徑行量責逐出境外本犯所有財貨盡給盤獲之人充賞若弓兵及守禦軍人知情故縱受賄隱瞞者按律治罪該管巡檢千把總失於覺查者揭叅議處其巡檢千把總倘有收受土官餽送禮儀及漢土人等賄賂故令兵役不行盤查者相應聽該管知縣守備查明揭報叅革提問倘知縣守備不行揭報另

有發覺者相應照徇庇例叅處凡此皆以峻蠻漢之防而杜侵陵之漸者也望從封疆起見不揣踈庸漫抒鄙議如果望所言不謬抑或憲台另有主裁統祈批行下縣以便曉諭兵民人等一體遵行併許望勒石通衢永垂不朽庶土蠻不致跳梁漢地免遭蠶食矣

咨

移明古制

康熙十九年七月移

齊祖望

巴東縣爲貝錦有駭聽聞原委不容不白有關世

巴東縣志

卷之十五 藝文咨

三十六

土人民煩乞查照以重畫一事准容美司移前事准此爲照貴司與敝邑以地界相爭者自明季以來至於今日幾無甯晷笨縣蒞任後備查舊案并閱地圖固已畧知其概不得不援情上達乃守土之職宜然在貴司自不容以滋事見訝也大移云本司所屬建始半縣及巴施長宜石慈等縣衛多者一里少者半里再少者幾戶所謂軍屬容美賦屬有司命官設職軍民一字所由來矣等語本縣以爲此貴司過計也今直省各府州縣衛皆一體

納稅承徭尙有一定不可越之界况漢土之際豈容牽混而貴司以各縣衛之屬地認爲世土指爲舊制豈有世土而仍編里分甲輸差納賦於各縣衛者乎恐舊制斷不若是之錯襍不可訓也夫貴司自有賦各縣衛不得過而問焉各縣衛自有民貴司乃攘而取之議者遂謂貴司擅侵天子之內地迫版籍之民以實伍陰爲富強之計漸生侈大之心非貴司所以避嫌而遠害也且貴司亦曾繹賦字之義乎賦以地起夏稅秋糧是也賦以丁起

三等九則是也賦屬有司則土地人民皆屬有司催科撫字皆屬有司而貴司風馬牛不相及也庖人雖不治庖尸祝不越樽俎而代之所稱縣令移文貴司印解勿亦事之所莫須有而情之所可笑者乎大移云紅砂堡在本司咫尺之內巡檢之設不知始於何時又云康熙十一年以後僞將軍王鳳岐不問錢糧完否動以清邊爲說安堡安塘本司亦聽之不較等語查連天關巡檢設於明初本朝因之現今部選有員而紅砂堡前貴司固已

明言王鳳岐於十一年內安設塘兵則本縣之申請上台之移行並非無據而爲之矣至於王鳳岐在十三年後貴司爲偽承恩伯時乃始從逆受將軍之職其先固 本朝遊鑿也紅砂堡是其汎守清邊安塘是其職分貫司又孰得而禁之大移云今閱道批令堡官復汎彝鎮徵兵本司何敢贅詞但恐蠻民難馴終久必爲滋事有負上憲懷來之盛意等語本縣閱之不勝駭異謂貴司不應出此不臣之語已乃發笑此貴司故作大言以恐駭各

巴東縣志

卷之十五 藝文咨

三十八

上台并本縣耳貫司如自愛必不爲此貴司自料地廣兵強孰若吳三桂耿精忠今二人者何如哉貴司倘或不戢士卒屠 朝廷之版民犯 朝廷之命吏 天子一旦赫然震怒大張撻伐命督提大臣以偏師壓境徵兵於隣近各土司四面夾擊各土司素憤貴司蠶食之苦又重以 天子之命必將羣起而甘心焉快一朝之忿失累世之基受叛國之名取亡家之禍故本縣以爲貴司如自愛必不爲也大移云貴縣之意似欲安塘設官與本

司無涉翻千百年未有之新案則是本司無犯
朝廷而有追土削地之事等語是貴司必欲以各
縣衛之屬地爲世土也但不知貴司何功於朝
廷而有益地之封 朝廷何負於貴司而有侵地
之耻又不知軍屬於土賦屬於漢有無會典可稽
是否成案可攷而貫司堅執不移如此此本縣所
大惑也至所云 朝廷之王土本司何人擅敢冒
認天理良心 國法難欺等語貴司之言及此民
社之幸也本縣不復贅詞但願貴司將此語見諸

巴東縣志

卷之十五

藝文咨

三十九

實事無托諸空言則各縣衛必免侵蝕之虞貴司
必享綿長之福子子孫孫勿替引之矣本縣與貴
司黍在隣封有同舟之誼故敢反覆開陳不自知
其言之直也惟貴司察而宥之

示

書院課示

國朝張軒鵬榮縣人

照得讀書懷揚顯之心爲民因而爲士敷政勤考
課之法作官卽以作師粵稽庠序之興肇基前代
近考書院之設紀盛

熙朝凡負笈來遊載書階至者罔不潛修有素勵志無
荒復爲之廷明師招益友俾得資其講習尤共輔
以切磋意洵美焉法更良矣巴東雖非通都大邑
不乏美質良材竊以躔分翼軫屬天市之四星壤
接歸夔錯地形於兩界不必鋪張其說請爲覩縷
而陳爾其洞口鹿馴峯頭猿嘯白雪明月羣山之
毓秀何多八斗九灣衆水之鍾靈競爽遙想封寇
公於萊國名宦褒嘉築杜老之草堂詩人流寓此
猶屬他邦之彥偶稅駕於此都今細數土著之賢

巴東縣志

卷之十五 藝文示

四十

實增輝於往籍則有譚思敬之能潔向九州之克
清田氏稱光祿大夫王公爲右都御史膺鄉薦者
有楊馬七人貢成均者有朱張各族以人才舉者
有諱屈數君以投誠歸者有鄧向諸子強而好勇
者授職各奏其武功富而多財者捐資不沒其俊
秀其他療親之孝子則股肉可剜守節之孤嫠則
手指自斷莫不昭垂邑乘焜耀寰區近雖風氣稍
衰形家或罪言夫地脉然而振興有自傑士當力
挽乎人心爾生童聚族於斯前徽足挹固當敦其

品行尤貴嫻及詞章豈其暴葉自甘竟不就將各
勉況夫學問之道勤則有功甄別之方優則宜獎
果其窮年兀兀克努力於鷄窻爲日孳孳倍專心
於螢案鬪八叉之韻敏捷堪誇吟七步之詩遲迴
不俟律賦艷稱駢體各騁色絲黃絹之辭時藝務
去陳言不矜牛鬼蛇神之說楷書則鸞飄鳳泊雜
作亦璧合珠聯子知勉夫予跂望矣茲本縣擇期
某月某日在信陵書院官課爾生童等先期赴禮
房報名投卷候屆期局門面試人既分內外庠之

巴東縣志

卷之十五 藝文示

四十一

異文各成大小題之篇或則一領青衿問科未登
黃甲或則半生皓首顧影猶困白下或則馬帳傳
經為師而心勞句讀或則鯉庭侍側請業而齒尙
兒童倘俱挾策而來定當按名以取評操月日不
紊甲乙之權衡說耻雷同勿逐丙丁而趨走字先
戒其破體法本六書詩切戒夫失粘聯成八韻勿
作第二人想置身等秋隼凌霄果能盡一日長下
筆同春蠶食葉本縣心如茅塞學類草蕪竊幸塗
原已經花樣可尋舊譜還欣事曾親歷孩兒不至

倒縹魚目蚌珠尙能辨其真僞龍優虎劣頗不混
厥妍媸善善虛衷有賞無罰區區私見棄短取長
如其有志觀光慎勿臨時自悞特示咸豐九年月
日示

銘

相公泉銘 并敘

張尙儒

余讀古傳記竊聞楚常德府城北甘泉寺寇公準南遷
經此留題於東楹後張棊榜曰萊公泉蜀夔府城西有
溪寇公嘗遊而汲之以烹茗後人因名之曰相公溪溪

巴東縣志

卷之十五 藝文銘

四十二

上有橋亦曰相公橋則地以人重所從來矣矧巴東寇
公治化之區而壽寧寺之泉猶數數嘉賞者乎迺因仍
俗號弗稱厥靈于是巴人相率鑿石爲池以瀦之構亭
兩楹余額曰相公泉且爲之銘曰

巴山翠嶺泉之自出源潔流長不涸不溢寇公會飲而
甘之迄數百年之後余猶得而名茲誠有味乎斯人斯
泉也益濡沫巴人於千萬世而非貧與盜之可此也歟

梅子菴 并敘

張尙儒

巴東縣二十五里爲梅子坡當楚蜀孔道陡峻險阻曲

磴盤旋逶迤而上十里許村落鮮少虎狼縱橫間有不逞之徒潛肆擄掠行者苦之余蒞茲土憂封疆之不修甲辰秋召士人范汝光胡璲靳忠等議之曰不有居者孰扞行者相率構菴於坡腰亮風埡口爲屋三楹翼以兩厦周以土垣閑以門屋種以梅柳諸樹崇奉大士像於其內蓋因俗牖民唯是清淨慈悲之說或可以消其慘毒薰血良善已而捐金置地數畝有民許國元亦以其傍地數畝捐助付守者戴春管領歲可入粟數鍾以供厥祀兼充米鹽薪水讀費以濟往來之渴飲者又督

巴東縣志

卷之十五

藝文銘

四十三

環菴附近居民互相防衛務俾居有寧處行有坦途而後卽安亦此方之吉祥善事者哉菴成額曰梅子志地也神必陰護茲土爾父老子弟庶幾永堅善念毋忘神休毋墜今日創建之意以厘執事憂惟爾衆寅圖利之於是爲之銘曰
彼梅子坡道阻且長行旅戒嚴神明肅彰猛毒斂跡兇殘孔良君子履之樂利無疆

節孝陳母黃孺人墓誌銘

國朝
知縣

郭望安

龍溪
人

人生之行大而可貴者忠孝節義而已矣攷之史

乘慷慨自矢以成一時之烈所謂奇男子者已不
數數覲至若勵志守節歷久不渝茹苦持危卒能
完其操者蓋亦僅矣求之巾幗中則尤難也予少
讀書見古人節烈事每爲動容起立繼以涕泣聞
同世有烈士義夫節婦貞女未嘗不嘖嘖累日爲
詩歌以詠其事道光十八年戊戌蒞巴東篆下車
采風俗邑人士咸頌陳母黃孺人賢以一門雙節
具牘請於予予詢之信達於大吏以聞於

朝逾年孺人孫膺箴以墓石來乞予銘予詳叩之得

巴東縣志

卷之十五

藝文銘

四十四

悉孺人生平孺人黃公諱鑑長女陳君諱綱遠元
配也年二十來歸逮事翁姑及大父以孝聞越二
年春舉丈夫子一卽膺箴及久國也六月姑崔氏
卒方哀惻間至九月陳君亦以疾逝矣孺人呼天
搶地憾不及相從地下顧大父春秋高翁又喪明
襁褓中呱呱者僅八月上下一身義不可以死遂
强起治喪葬悉如禮奉重堂甘旨無少缺撫孤子
卓卓有義方及子年長爲納粟爲卽娶媳胡氏生
一孫已解讀而殂孺人痛之甚慮嗣續之艱也又

爲子置側室蔣氏時嘉慶二年丁巳也教匪滋擾蹂躪一方孺人挈家避城中居六年蔣氏得一孫旋夭又六年乃生孫膺箴孺人方喜慰而子久國又於八月溘然逝矣孺人雖哀悼而志不稍衰惟以大義勵兩媳時蔣氏年二十有六承孺人訓與嫡胡氏相勉勗事姑撫子不忝孺人孺人含飴弄孫視如掌上珠而時加誨導必從嚴不稍假以辭色每逢先人諱日必率其孤跪奠泣陳數十年苦況以警之稍長卽遣就傅今已成立矣道光六年

巴東縣志

卷之十五

藝文銘

四十五

督學使王贈芳輶軒過邑聞孺人德書貞萃一門以表其廬孺人平居節儉經營久家漸以康性好施見貧困輒周之戚族有艱於昏嫁出簪珥以欣助又嘗捐資爲境內等香燈費善聲播閭黨間治家能循禮沾蓋生性有然不爲異也孺人生於乾隆丙寅年十一月十三日寅時卒於道光乙酉年十月十七日戌時享年八十守節五十有八年道光十一年辛卯葬於北山之陽壬山丙向兼亥巳時未勒銘蓋有待也今者

聖朝闡幽恤微獎風揚化褒美之章賁及泉壤足以酬
孺人操孺人亦當含笑九原矣夫人讀聖賢書居
恒無事靡不高談節義及至顛連困苦鮮不改絃
易操者况弱質青年遽遭大變能峻然自立終身
以之斯誠難矣而又以一身上奉重堂下撫兩世
遺孤使瑩瑩雙媳咸全其貞非有幽靜之德堅卓
之操大義了了者何以能此爰爲之銘銘曰
瑩瑩者玉矯矯者松不受磨涅獨傲嚴冬孺人之
德是與比崇盤根錯節婦道克終重堂孝養腆洗

巴東縣志

卷之十五

藝文銘

贊

四十六

維豐遺孤教撫丸和有熊厚德食報允受花封刊
諸珉石爲邑女宗

贊

寇萊公贊

宋王十朋

嗚乎萊公相我真宗契丹南牧朝野洵洵群臣勸帝幸
蜀江東微公決策天下其容百年無兵繫誰之功

涉佺真仙翁贊

齊祖望

至人冥冥視於不睹彼昏弗知具臚而瞽大道旣
成丹砂爲上翩然乘雲躡足佺圃

巴東縣志卷之十五

藝文志 下

詩

五言古

庚辰歲將命至巴東時已秋序霜荷索然偶賦是

詩用遣幽懷

寇準

乘輶偶將命撫俗烟江湄地僻接窮峽務簡稀公期秋
信任無趣野懷良自宜月白夜蟬響池晴風荷衰溪雲
入破牖山菊開疏籬責酒不能醉鄉園空結悲徘徊獨

巴東縣志

卷之十五 藝文古

一

凝望目極長天涯

夜泊牛口

宋端明殿學士蘇軾 眉州人

日落江霧生擊舟宿牛口居民偶相聚三四依古柳負
薪出深谷見客喜且售煮蔬為夜殮安識肉與酒朔風
吹茅屋破壁見星斗兒女之呻嘍亦足樂且久人生本
無事若為世味誘富貴耀吾前貧賤獨難守深知深山
子甘與麋鹿友置身落蠻荒生意不自陋今子獨何者
汲汲強奔走

鐵錘記

國朝荆南李拔 西蜀人

巴峽注楚東奮汎同奔駛中間有石秤綿亘沉江
底相傳水涸時秤杆常隱起激射或爲灾潦滯猶
積痞縣尹寇公來妙術誠難比製錘鎮水湄回禍
更增美內外歷清華聞譽從茲始劉令爲我言嘖
嘖生狂喜余獨不謂然斯論殊譎詭萊公宰相才
大賢屈百里抱負足鹽梅運籌熟綱紀事權較重
輕人物分臧否以我衡衆材平準亦如比軒輊本
無心寓意聊復爾中書與北門推尊良有以矯首
仰清風明月照窗几

巴東縣志

卷之十五 藝文古

二

七言古

峽中行者歌

古詩

巴東三峽巫峽長猿鳴三聲淚沾裳巴東三峽猿聲悲
鳴至三聲聞者淚沾衣

壬寅秋縣齋感賦

明邑 張尙儒 和州人

巴東之邑如丸小疊嶂巉巖江浩淼霖霖雨侵尋石亂崩
祝融煽熾居爲燎長官西來守此方蚤起開衙天未曉
陰霧濛濛萬壑哀山風颯颯千帆遶頑民那解急田租
儕俗常思脫繒繳滿戶蕭條白髮孤一經寥落青雲杳

萊公雙栢無遺枝杜子草堂唯啼鳴誰問秋風與白雲
坐看明月巴山皎

白雲窩吟 有序

張尙儒

梅子坡當楚蜀通衢素稱險阻行者苦之余率土
人作大士菴於坡腰以便行旅棲息每見白雲起
于簷阿因而漫題竊比昔之白雲亭也

昔道巴東勝白雲亭最幽今人巴東境亭榭成荒坵亭
去雲存山不改梅子坡前常靉靆居人爲築白雲窩雲
與梅花鬪光彩余向山中訪白雲坐卧却同麋鹿羣手
把梅花弄水月白雲冉冉梅如雪須知此處白雲深不
比浮華條起滅誓其雲樹兩悠悠倘祥天地復何求

連理棗歌

張尙儒

巴山高峙雄楚塞草木蒼鬱雲靉靆有客忽聞棗連理
余色欣欣強爲對君不見西王玉文味絕嘉四時不凋
千歲花安期海上大如瓜延年卻老獻王家又不見鄱
陽內史風化好白鳥來集郡庭棗令公婆娑人絕倒旋
登宰輔致身早何如巴東棗獨奇兩幹交合稱連枝永
茂官衙傍山麓離離朱實甘如飴生來不畏貴戚取落

地莫令廉士吐若個惟充藜藿腸從前雙栢堪傳伍

題山寺分韻得樂字

朱相本縣人

春簷曉鵲聲錯落一洗江天散雲幕愛取梨花春酒香
携罇無負山中約花盈高樹柳盈川尋芳自有春風樂
歌殘酒散喚奚奴荷鋤雲裡尋靈樂

遊壽軍寺分韻得霽字

明榮昌主簿朱登用本縣人

李白桃紅鬪春麗禽聲百合香風細勝景撩人逸興生
踏翠溪頭笑連袂一杯酒勝身後名春光肯遺蹉跎逝
狂歌大笑出山門巖穴雲歸雨初霽

巴東縣志

卷之十五藝文古

四

題寺壁分韻得翰字

明邑貢生向體觀

潛移星象年華換新春堪賞廉堪玩紅錦煙桃開正鮮
青絲風柳吹不斷追思秉燭古人遊取醉尊前爵無筭
僧童掃壁請留題却笑瞿曇識詞翰

題山寺分韻得屋字

明邑庠生徐珮

計日一年三百六冷笑粗人恒碌碌險怪瓌奇山水州
不及閒行鬢已禿狂予追逐二三友帶酒携詩扣僧屋
斜日溪頭興未闌窮幽還借孤峯宿

巴峽吟

失名

飛岫巉巖半空起銀河傾倒巴江水兩岸分開片片雲
直瀉岷峨五千里噴濤駕雪如建瓴萬派潑洄急於矢
中開一壑纔見天嶺上接天天若咫回頭瞬息過幾灘
蕩漾行舟看徙倚蜀水飛來楚峽流楚山包裹蜀峯裡
長年不見峽水平垂綸休羨江魚美梅雨滂沱勢急奔
衝泉蹶石走溜渾連朝激磕且震撼鐵衣捍蔽雙城門
崩崖滾瀨亂湍轉列齒摩牙不可捫嶺上月水面雲望
中忽吞吐眼底長氤氳飛鳥隔天杏難度猱獺援木時
成羣天馬行空走萬騎掣電轟雷疾如鷲頃之巴西又

巴東縣志

卷之十五

藝文古

五

到東送過巫山峯士一混沌行來不自由青山見人幾
行淚世上風波處處有不似歸巴當蜀口君不見蘆花
淺水漫行舟潦倒清宵一尊酒

秋風亭故址

國朝邑令司世教

寧晉人

秋風亭上秋風起風散荒亭咽江水臨風懷想構
亭入將相勲名垂朱史於今宋祚已成空漫道雷
陽老寇公惟有巴山頭上月年年依舊伴秋風
巴東守戎陳玉泉以遷秩去賦此贈之

國朝邑令齊祖望

雞澤人

我以巴江水送君東去舟我以巴山月伴君下洪
州江聲山邑兩蕭索猿啼峽中淚雙落何人爲唱
陽關詞使我對酒不能酌不能酌思彷徨黃牛白
馬煙水長知君明日西陵道回首巴東亦斷腸

鐵權歌 并序

國朝 蔣業晉 江蘇
邑令 人

巴東官廨有鐵權傳自宋時或云巴江中有石樑
如秤寇公作此厭之於誌乘無可稽也余因權之
取義作歌自傲

金精躍冶耀靈魄魚龍寂靜岡兩匿如鐘如鏞交

巴東縣志

卷之十五 藝文古

六

象形不識不欵儼規格屹然不動識準衡位置衙
齋歷歲月衙齋臨峽最險絕水底陰崖森劍戟就
中有石如秤形攔截江心愁過客或云寇公厭勝
法鎔鐵為權鎮岩壁以重測之符八鈞以高繩之
虧二尺下不刊足上具紐豈假龍文與篆刻嗚呼
鐵權爾何物典籍無稽難考覈不見鑄鼎刊神奸
山川鬼怪無迷惑不聞銅鼓揚金聲月黑軍威震
蠻貊制器尙象寓深意是物何居傳古昔材大或
恐用非宜骨重終看留作則我心如秤豈隨人

諸葛

武侯云我心如秤不肯爲人作輕重量物平施準諸易好古常存鑑

別思對此摩娑永朝夕雅慕名賢齋運甓亦希循
吏舟載石退衙靜坐較平反輕重惟權乃有獲權
乎權乎事後評衡復何益嗚呼莫謂事後評衡亦
何益

鐵錘歌

國朝邑令郭望安龍溪人

巴東官廨江之湄堂階西角蹲鐵錘土花侵蝕半
入地磅礴元氣猶淋漓歲久云是南宋物或言萊
公手所遺江中有石類秤柱往往行船嗟險巖相

巴東縣志

卷之十五藝文古

七

度形勝遂鑄此使均厥位平毋歆青鳥壓術或有
道志乘不載皆傳疑竟體約費八鈞鍊徑圍三尺
高半之上肩稍削下漸廣頂覆圓紐如鐘追黝然
脫盡陶冶迹躍躍紫燄生陸離素質詎必象罔兩
寒光直可驚蛟螭簡樸不諧俗耳目鎮重儼媿宗
廟彝石秤神器苟會合任投鉅細無參差旁人環
視竊相笑古昔作意真難窺世間萬物貴適用似
此麓濶將奚爲嗚呼用舍曷可料大任匪此他安
施獨歎寄託在荒徼固應沉沒依茆茨勿放毫光

動牛斗請守窮困從嘲嗤卽今庶事俱平正置而
不用良亦宜

秋風亭祭寇萊公因訪白鹿洞遺址

國朝張軒鵬榮縣人

公每詣寺寺僧迎胡知公又曳履行洞中有鹿特
先鳴鹿匪獻媚娛公情豚魚之格感以誠吁嗟我
公人中英性情豪邁氣縱橫張筵剪燭蠟堆成菹
樗一擲決輸贏肯拘小節守硜硜瑕不掩瑜質彌
精澶淵勸駕親出征不出何以振威聲幸從公計

巴東縣志

卷之十五 藝文古

八

虜大驚和好許通中外盟毋使敵人太我輕朝廷
猶幸賴有卿孤注謗語相軋傾謫住雷州萬里程
哀哉公死尙如生焚楮哭公淚盈盈萊國褒封忠
愍旌公曾宰茲彈丸城遺愛猶存頌神明山亭高
聳秋風清鐵錘低壓江水平 署內有鐵錘俗傳
公留以鎮水患 我
今望公徒眼瞪拜奠杯酒潔粢盛公靈陟降駕雲
輶恍騎白鹿來食苹

苦雨嘆 辛酉秋

邑候選薛德玉
教諭

從來大旱喜逢甘謂何甘者反憂苦天之降澤豈

有殊惟在宜雨不宜雨西成屈仲秋穡事擬藏收
穎粟何堅好黃雲覆隴坵滿篝滿車万枚卜自天
隆康登白穀築場滌圃已安排豐穰端賴秋陽暴
彼蒼殊叵測彌月天如墨乍雨復乍風晴霽無片
刻酷寒促生機別准勝螟螣我曾讀史閱千古大
有年書誠誠希數或遭旱潦或蝻蝗害稼傷禾紀天
府緣何萬寶欲告成天不使民享豐盈水潦浸漲
爲澤國田穀朽蠹烈縱橫饗殮望已虛租稅更何
儲如絲絲未斷掩泣倚門閭盱嗟乎年來兵燹已

巴東縣志

卷之十五 藝文古

九

堪傷大兵余靖繼大荒造物何故霪雨害粢盛百
萬生靈誰主張我無濟世才更少回天力賑蠲向
誰言惟有空嘆息民生不逢黃農虞夏之昌期紅
羊浩劫實罹茲君相有權且莫挽况我儒生尺寸
之柄未操持手把秃毫狂飲酒風聲颯颯雨聲吼
雨兮雨兮何去休願祝來春變作甘霖施農畝

灤溪草堂懷古

附灤溪辨

薛德玉

灤溪之東溪流灤溪之西溪景幽工部卜居此
溪側溪前溪後供優游草堂轟轟白雲間雪繞溪

流溪旁山山與溪雲相倚護高人棲身灣復灣閒
踞虎豹登虬龍秋高寒日警邊烽戎馬關山君國
恨無限憂思仗短筇迄今入溪訪故址溪光時逐
白雲起灤水滔滔奔江流草堂荒墟而已矣千古
憑弔唐詩人當年萬里寄孤身一從客去堂俱杳
花鳥猶鬱舊精神溪頭日日風兼雨水色山光誰
作主安得重搆茅三重再有赤甲東屯遷來之老

杜

按杜集年譜纂公於武宗大歷二年春由夔之西
閣遷赤甲尋遷灤西遂往來東屯灤西間其一年

巴東縣志

卷之十五

藝文古

十

寓西閣有灤西寒望詩云瞿塘春欲至定入灤西
居可知灤西去夔不遠非今信陵之東西灤相違
數百里也考一統志大江又有東灤水亦在夔城
頃池發源經此流入大江又有東灤水亦在夔城
東財灤西之近夔無疑邑乘載巴東西灤有工
部草堂遺蹟大抵因名相似遂傳之訛耳故特附
望曰工部草堂在夔而夔自灤西前令以邑之
辨千此俾真贗有所分云余按舊志祀典齊祖
西灤為灤西春秋祀之過矣是灤西之誤齊君已
早辨之其仍載人古蹟者亦姑沿舊說耳

五言律

巴東驛秋日晚望

寇準

楚驛獨閒望山村秋暮天數峯橫夕照一笛起江船遺
恨須言命冥心漸學禪遲遲未回首深谷暗寒烟

巴東書事

寇準

鄉思終日有孤淡厭琴樽衆木侵山徑寒江逼縣門浪
沉灘見脊雨過壁生痕憔悴悲蘭蕙因思楚屈原

春日登樓懷歸

寇準

高樓聊引望杳杳一川平野水無人渡孤舟盡日橫荒
村生斷靄深樹語流鶯舊業遙清渭沉思忽自驚

題巴東寺

寇準

寺在啼猿外門開古澗涯山深微有徑樹老半無枝望
遠雲長暝談空日漸移恐朝金馬去還失白蓮期

巴東縣志

卷之十五

藝文律

十一

巴東縣齋秋書

寇準

訟庭終日靜琴鶴一長閒晚樹生涼吹秋思在遠山水
穿吟閣過苔遶印床班幸有江雲看河思卜徃還

過巴東泊舟二宿漫興

五首

明叅
錄三政

侯啟忠

長寧
人

信宿巴東峽蕭蕭落木霜僧巢青石嶠猿嘯白雲鄉野
渡鳴蘭楫漁村暗葯房不知江水上烟景卽滄浪

雲崖淒錦樹江閣接丹梯棲息風煙迥翱翔星漢低水
痕紆石峽木葉淨羅溪鄉國三千里巴山西更西

鼓柁浮天地須臾到十洲踟躕仍旅食浩蕩及邊愁峽

隘魚龍夜山深草木秋更堪戎馬日指點戍江流

宿萬流驛

明進士 王一麟 青神人

一棹萬流泊三年兩度來岸趨今日吏花放舊時梅世路當戎窘親容為老催不禁寒夜角撫枕聽清哀

萬歷丙午二月余以使事人蜀從彝陵下上山礮

歷飛崖特嶺色甚難之頗有乘危登高之戒且

歸州一路披山帶水磴道俯職江流間有受其

齧者心益佈焉然念叱馭者何人而敢憚此乎

晚次巴東見其邑巖巖於疊嶂之麓若掌大翠

巴東縣志

卷之十五 藝文律

十二

微隱見在山色有無中而于役君子四壁留咏

爛可睹也余小子何敢默焉

明行人 郭士望 蘄水人

驛路多忘日楊稜最惹春嵐烟拂旭景江色滋文茵隔

岸送征牡懸厓絳鮫人為舒蜀笈老豈間臨邛塵

宿巴東公署

失名 疑即前人

駐馬江樓望蕭然夜已深星疎隔岸影月小近城陰夕

艇搖漁唱寒空過鳥音憑軒聊命竽一慰旅遊心

甲辰署前譙樓成司理王公題額來江喜而賦此

張尚儒

荒邑連西塞高樓逼上台窗含臺栢蔭簾捲洞雲開山
色千巖合江流萬里來佳名應共賞傳自仲宣裁

巴東漫述

明荆西道陳維直弘雅人

秋風引歸興馳轡到巴東廖落三家市巉巖萬仞崇江
平思夏后栢古憶萊公感慨憑誰語遙看天外鴻

灤西晚憇主人樓

孟淮

虛閣臨江起長途倦晚停客燈春似萼漁火遠如星村
酒情相洽舟床夢可甯少陵曾此憇應是主人庭

巴東縣志

卷之十五 藝文律

十三

次寇公題山寺韻

明豐都知縣向九洲本縣人

青山環古寺江水查津涯倦鶴投孤嶼驚猿過別枝花
香風外渺樹影月中移騷客分僧供殘鐘不失期

宿巴東縣

明侍郎馬廷用西充人

縣古臨高岸荆南第一程雲從巘畔宿月向樹梢明迢
遞思鄉夢安閒去國情明朝將出峽酌酒聽歡聲

壽甯寺張明甫招飲

明荆西同知張懋德雲南人

峰巒纒雨過紫翠望中橫危石稀人跡幽谿聽鹿鳴雲
封祇樹迥花傍綺筵明徙倚情無限何時續舊盟

中秋宿壽甯禪院

明庠鄭應學應天人

秋氣連宵爽琳宮盡日幽長林飛素鳥曲岸淨寒流
舞花前酒清歌月下舟婆娑參慧遠禪榻共淹留

自述

三十首今錄其二

國朝貴陽知府向維時本縣人

風雨驚荒戍憂思晚更多蒼烟橫白鳥紅樹拂青
蘿竄跡身何托浮家客少過傅烽飛羽檄痛哭且
橫戈

又

向維時

定亂知何策中宵淚眼橫維舟依古岸聽雨徹嚴
巴東縣志卷之十五藝文律十四

更才蒲堪驅策時危願請纓相逢多難際誰復罷
談兵

贈別姚士彥赴野三關

庚申作

齊祖望

見君方恨晚君去奈愁何鳥道雲中絕人家樹杪
過遠天知鴈少清衣況蟬多不厭風塵客還期對
酒歌

久雨寄懷嚴公偉總戎一首

齊祖望

雨洗山光細空階暗緣莎江干誰載酒海內正投
戈名士風流遠窮途感慨多思君三峽下烟水奈

愁何

寂寂連宵雨松闕草色迎江添兩岸濶雲合萬山
平劍氣凌霜古燈花入夜明西陵知己貴惆悵此
時情

謁萊公祠呈大參章公

辛酉作

齊祖望

雙栢今何仕遺祠野草連披披雲尋斷碣掃石拜先
賢峽水平猶怒山花老正妍登臨懷往事獨有寇
公傳

宿巴東縣三尖觀營房

賀熙齡

巴東縣志

卷之十五

藝文律

十五

萬里朔風號峰巔置屋牢礮聲驚虎豹霜氣逼弓
旄抖擻征裘雪摩挲寶匣刀酒酣呼退卒燈下說
龍韜

題秋風亭

二首

于克襄

犖确荒祠在蒼烟日暮生洞中餘鹿跡峽裏聽猿
聲鎖鑰金墉固澶淵戰績成清芬長不滅百世仰
賢名

牛刀纔小試偉業滿乾坤誰識巉巖裡猶徵遣愛
存勲勞無懋賞好佞有讒言太息雷州路靈昭枯

竹根

題秋風亭

曾衍東

一到巴東縣亂山不斷青無人橫野渡有客上空
亭僻地無城郭孤蹤留典刑寇公歌頌在衡石鎮

江靈

巴東縣市集唐

失名

縣僻又無城姚合諸峰霧露生曹松海山藏日影

任蕃雨雪雜江聲馬戴戍鼓和煙暗司空圖幽林

採藥行宋之問微官是何物錢榮斟重此時情王

巴東縣志

卷之十五藝文律

十六

維

鐵權

長陽縣令周向青時署

持衡宜得正主宰貴能平非具堅剛性將形欹倚
情鑄成寧有錯鎮定自無爭莫笑錚錚者還同金

玉貞

和鐵權原韻

邑典史管兆芹安徽

主宰權衡重操持貴得平八鈞遺舊范百鍊見真
情穴已蛟龍伏強無魑魅爭相傳南宋始留此勵

忠貞

歸興

張軒鵬

久作悲秋客歸期究若何官閒同鶴懶山亂比人多巫峽綿編雨巴江緩縱波猿聲聽不得日日蜀船過

野望

邑候選 喬毓芬 教諭

極目滄渡外山橫夕照時暮雲三閭宅野水寇公詩櫓下風帆急人來鳥語遲此中無限意天鷺夜猿知

七言律

巴東縣志

卷之十五 藝文律

十七

巴東寒食

寇準

春雨瀟瀟寒食天遠行猶在楚江邊人思故國迷殘照鳥隔深花雨斷烟薄宦未能酬壯節良辰空自感流年因循未學陶潛興長見孤雲倍黯然

池上秋書

寇準

虛齋獨語復書空閒對林塘思少同霜葉聲乾飄夕照露荷香泠泣秋風時平偶作青衫衷心老渾如白髮翁昨夜渭川歸夢好一船烟雨打孤篷

秋夜懷歸

寇準

渭水苔磯阻舊遊
夢迴空館却凝愁
一聲江曲巴雲暝
夜半山風楚樹秋
星落古池孤影動
燈搖踈壁冷光幽
遲明不寐空搔首
蹤跡何由得狎鷗

秋夕書懷

寇準

官路時風漸識情
一悲前計遠愁生
深秋寒氣侵燈影
半夜踈林起雨聲
縣令終年拘吏役
煙簑何日避浮名
窮通休問巢蓮骨
大抵無徒是至清

春晚書事

寇準

春盡江天景寂寥
思鄉還在楚雲遙
林花經雨香猶在

巴東縣志

卷之十五

藝文律

十八

堤柳無風絮自飄
水國獨慚臨縣邑
烟郊爭合負漁樵
青梅時節遲歸計
且逐餘芳殢酒瓢

元旦祝聖

明夔州守人 郭棨 番禺人

紫極朝元萬國同
微臣遙祝在巴東
喜瞻天際星辰爛
頻見人間蠟炬紅
班伍昔聯雙闕上
拜趨今戀五雲中
專城五馬吾何補
欲罄涓埃有樸忠

和遊舊縣

明邑令 盛杲 臨安人

舊縣經今幾百秋
偶因公暇暫停驩
荒基有客開新業
佳節無人績勝遊
雨過好山添秀色
風生幽澗響清流

夕陽未盡登臨興何日重來豁壯眸

萊公祠

明御史 盧雍 東吳人

祠下春深碧草齊祠前香火走羣黎秋風古木懷遺惠
野水孤舟感舊題大計手扶河北輦孤忠心繫洛陽扉
芳蘋一薦情何限巫峽雲帆西復西

杜公祠

明左布政 劉勳

白首避地荆南洲赤甲遷居灤西頭空遺古調寄塵跡
却憶窮途成勝遊寂寞湘江山月冷蕭森巫峽樹雲秋
祠前滾滾兼天浪不盡當年故國愁

巴東縣志

卷之十五 藝文律

十九

壽寧寺分韻得天字

明邑教諭 陳所學 巴陵人

梵刹蒼烟白石巔漫隨清磬入遙天倦遊塵劫三生夢
閒覓空門一味禪洞口青松巢野鶴雲中丹磴湧寒泉
微薰殿閣心初定頭倚山僧半榻前

遊山寺

明給事中 譚思敬 本縣人

乾坤清味在閒行莫遣蹉跎節序更携客有懷隨一榼
逢僧無暇問三生江山極愛人禽樂晝夜從教蝠燕爭
薄晚馬嘶芳草路花前新月隔溪明

前題

明都御史 王儉 本縣人

寶坊簷外響風鈴晴汎春光玉宇清徐踏蒼苔尋故跡
先鳴白鹿喜遺聲山花隔水含紅錦溪島藏雲展翠屏
老衲掃門迎墨客香消寶鴨掩殘經

前題

明左春坊楊遇春
本縣人

春晴踏翠過清溪茂樹輕風幽鳥啼弱柳幾絲臨淺水
落花數片點香泥莓苔曲徑逢僧話寺壁浮埃待客題
興廢不知山簡醉夕陽歸馬小橋西

前題

明助教楊相
本縣人

尋幽覽勝愛携朋小店馨香酒甕澄花笑溪頭遙迓客

巴東縣志

卷之十五 藝文律

二十

馬穿雲裏屢逢僧遊人癖有風騷樂老衲空談小大乘
坐石山門看絕景古松高掛到天藤

前題

明通判王璽
本縣人

小齋清暇了無愁閑訪雲中山寺幽邃谷相傳白鹿遠
古詩猶喜碧紗留翱翔絕頂尋仙客談笑芳尊學醉劉
半日清歡吟不盡花風香煖鳥喧啾

和遊舊縣

明邑監生譚祿

雨歇涼生天霽秋紛紛冠蓋擁行騶一川野草添新色
兩岸啼鶯感舊遊芒屨踏穿尋古蹟殘碑讀罷羨名流

秋風亭下徘徊久不盡雲山快遠眸

前題

明邑
貢生譚鵬

浙瀝金風報早秋不辭驅蹇附鳴騶花前醉飲舒高興
亭上留題紀勝遊冉冉行雲經岫宿潺潺活水赴溪流
傷心多少興亡事指點江山一放眸

題山寺得天字

譚光啟本縣人

黃金沙界倚雲邊遙滴長江一鏡天鹿洞烟霞偏杳靄
稗窻風月自清妍石泉酌沁詩脾冷松柏揮聆象教佺
此日高歌狂我得千舉盡落酒杯前

巴東縣志

卷之十五藝文律

二十一

將赴巴東留別長安諸友

國朝
邑令齊祖望

蜀道還聞戰馬鳴孤帆雲外指荒城開尊且共三
更醉仗劍何辭萬里行燕市樓臺迷鴈影荊門山
水人猿聲丈夫離合尋常事無奈巴江夜雨情

巴東縣山行

賀熙齡

十月嚴風拂曙袍飄飄直送萬峰高雪光一白混
天碧雲氣亂驅如海濤石骨橫撐山腹裂冰花寒
結樹根牢誰能一剷嶽崎險徧種民田萬頃膏

齋明府招飲秋風亭卽席賦贈

邑貢
士譚明命

秋色簫疎酒倍清共將懷古到荒城兩京惟說平
章業一度仍孚寰海情昔有鹿從山下過今無虎
向檻中行匡時莫謂輸前武先後金甌第幾名
過萊公祠
邑貢士 譚必章
當時鎖鑰想奇才何伐孤忠付草萊一夕秋風邊
瘴靖千年白鹿洞花開長江猶帶清流色古木惟
餘劫火灰地老天荒誰隆淚知音知向峴山回
戊寅秋仲謁秋風亭展拜率成一律

邑教諭 嚴承啟 黃岡人

巴東縣志

卷之十五

藝文律

二十二

昔公發蹟此山川嶺峙危亭日月懸小節不需拘
鎖鑰大功何止在澶淵風餘百里秋猶壯水渡孤
舟歲已遷拜起憑欄高處望浦灘雲逐一江烟

學舍 二首

嚴承啟

簷低屋矮竹編籬土砌山牆已半欹破瓦打頭和
兩墮小窗無紙聽風吹欲安几處通穿壁恰好官
來是老師未識東坡題句日宛仰學舍可如斯
水半江湄又海湄懸巖倒壁杜公祠層堦去地三
千尺一日登山十二時醉裏扶筇須拄鐵忙來著

履厭縫皮眼花更有耽心處雪子跳珠雨落絲

九日登山朝觀 四首

嚴承啟

計飲茱萸又一年登高擬合到華巔半空落葉都

飄雨一路寒花欲上天白雪競堆雙扉外 觀門有諸生桂

賦黃州遙隔大江邊舉杯不得東籬菊惆悵西風

憶稚川

記得攀花到舞筵三朝老桂不知年似曾月殿驚

瑤曲謫向禪門作樹仙他日酒空和露飲 八月有人至此

賞桂今朝香不爲人傳祇餘數朶重開粟猶抱寒暉

巴東縣志

卷之十五 藝文律

二十三

灑茗前

髮短可曾笑正冠四圍山勝兩峰看我驚絕壁重

陽冷人道叢林六月寒雲氣遠生分嶺樹水聲遙

聽隔嶼灘一樽肯爲諸公醉要把樊江縮項餐 時恰

有鱖魚佐飲味比樊江爲近

飲罷山門日漸斜呼兒同返上來車 時小兒與集 雲侵

草岸棲閑蝶暮靄楓林有宿鴉虛白我羞佛弟子

昏黃人怕路杈枒叮嚀不盡諸生囑好聽鐘聲誦

法華

登巴山謁寇萊公祠

陳大交

一鞭殘照踏山巔丞相祠堂碧草連舟楫濟川詩
有兆澶淵決勝策能全早凋雙柏空棠蔭老去孤
身死瘴烟最是秋風亭外月清光常映楚江邊

謁寇萊公祠

四首

周向青

錢塘人

尚留祠廟傍崇岡草徑薜蘿斷碣荒古木秋風猶
突兀孤舟野水自蒼涼少年科第傳鳴鹿老去英
雄剩饋羊莫笑霍光無學術累公事業只因剛
少年方得一官除舟楫襟期已不虛進絀不教成

巴東縣志

卷之十五

藝文律

二十四

例簿持衡儿自論中書樞蒲談笑輕臨敵社稷安
危首建儲若果北門留鎖鑰富強猶見太平初
南遷幾墮三朝業北狩將蒙五國塵楚蜀力爭排
衆議春秋巧引誤讒人過河勝算成孤注投海精
忠信夙因誥册寵嘉存直道幽泉遺痛尚教伸
啼鵑橋上南人相飲馬河邊北敵驚臣子直前呼
進輦君王旋復恥盟城極天事業同輸博窮海冤
誣起拂羹今日中興論賢相千秋韓富共勲名

巴山懷古

薛德玉

巴星聯楚煥天章山勢縱橫接渺茫巫字雲從金字落夔門水注石門狂猿聲三峽啼秋雨鴻跡千年賸草堂我上古亭一憑眺芙蓉圍繞是歸鄉

秋風亭懷古

薛德玉

孤亭危峙亘千秋宋代功臣第一流存去後思綿俎豆得天下好想勳猷當年野水吟情寓此日荒陬遺愛留瞻仰高風欲歌舞莫將往事說雷州

巴山夜雨 得山字

薛德玉

電走雷奔萬壑間連宵淋雨響巴山漲平秋水泉

巴東縣志

卷之十五

藝文律

二十五

如吼潑滅漁燈霧未刪茆屋寒侵清夢醒蘭階滴破旅愁環聯床剪燭忘聽久聲動蒲牢徹遠鬢

村寺曉鐘 得鐘字

薛德玉

晨光乍透碧芙蓉古寺泠泠響梵鐘韻破朝烟驚洞鹿音催曉漏滴銅龍茅簷夢警人初覺山碓聲連水自舂敲罷鑑鯨紅日上孤亭殘月尚溶溶

古亭秋月 得秋字

薛德玉

山亭閱盡古今秋最好團圓月色幽野水連天拖雪練銀河澈地滾晶毬當年皓魄孤舟繫此夜荒

祠一鏡留檻外蟾華正清朗艣聲帆影泊江洲

官渡晴帆 得晴字

薛德玉

官渡峽開江水平征帆來去趁新晴波澄遠浦雲
初斂船壓中流浪不驚片幅直憑風信遞一旌高
挂日光明艖人笑向巴山指溪口科陽釣艇橫
灤溪漁火 得溪字
輕舟夜靜泊灤溪漁火參差望不齊然蟹光搖沈
遠浦流螢影亂雜長隄一灣荻港分明見兩岸苔
磯倒映低照澈通宵人釣罷前山洞口曉雲迷

巴東縣志

卷之十五 藝文律

二十六

兀洞仙泉 得泉字

薛德玉

此洞何年駐列仙危崖突兀瀉靈泉斜痕散濕酣
朝露遠勢飛流破晚烟一幅晶簾雲外挂千重雪
練嶺頭懸潺湲聽罷歌聲沸疑是山中別有天

石門樵唱 得門字

薛德玉

樵蹊高矗傍雲根野調村腔徧石門人籟遠連松
籟起歌聲直共斧聲喧芙蓉對峙清謳接棧樸新
芟綠蔭繁青色滿肩歸唱晚灘頭日落正黃昏

牛口灘聲 得灘字

薛德玉

鯨奔鼉吼湧狂瀾牛口江流阻巨灘雪浪驚翻天
影黯銀濤怒撼月光寒名垂更比龍門險勢急應
同虎渡難巴水巴山饒勝蹟題來留與古今看

巴東雜感

張軒鵬

楚蜀疆分驛幾程依山作縣本無城萊公舊治留
遺愛張翰秋風動遠情地廣可憐皆瘠土民窮無
奈易輕生一官自縛終何補只覺爭來歲月贏

巴山

喬毓芬

莫對青天百亂搔巴山登去與天高便攜謝眺驚

巴東縣志

卷之十五

藝文律

二十七

人句須飲裴公換骨醪萬里長江低似綫半峰虬
木小於芼謝他絕頂休教上怕惹銀河起怒濤

巴山懷古

四首

庠生

傅家瑜

歸州人

萬峰磅礴一江通鎖鑰荆襄氣勢雄田野縱橫千
嶂衷人烟錯雜半山中堂前草綠思工部橋下泉
清憶相公手植甘棠今在否孤亭颯颯撼秋風

萊公聲聞今猶昔夔子民人是也非剝棗曾思連
理閣望梅欲入白雲扉見龍橋下龍誰見飛鳳山
前鳳不飛天敞西南風景好金山燦爛鎖斜暉

蒼涼野渡暮雲橫
濤激石門怒不平
樵子於今歌樂地
劉即昔日避吳兵
寺迎鹿洞苦痕古
峽繞緩聲雨夜清
千里塵途常作客
巴人何事淚長傾
灤水東西落漲痕
鎖江鍊纜說公孫
遙看峰頂開文筆
欲致村坳識義門
洞自無源拖白練
鐘從古刹報黃昏
錫名雅愛詩書理
孝子賢人可並論

巴東秋興八首

邑令朱滋澤
崇慶州人

秋滿巴夔萬壑陰
霜彫落木冷猿吟
高江遠閉魚龍窟
雙峽虛蟠日月心
出石自孤雲一縷
歸舟久

巴東縣志

卷之十五

負錦千尋風煙極
目征鴻渺弱羽寥天
楚塞深十二巫峰
隱暮霞雲迷彩鳳
雨籠花虛傳神女
陽臺夢望杳仙人
碧漢楂列宿影寒
郎署戟戴星秋迥
使君車獨憐椎髻
輪賓婦灤水霜明
日浣紗山城官閣
靄崔巍接翠浮青
峯四圍水燕穿沙
低翻舞嶺雲度檻
逐江飛園中豈種
先生芋境上徒逢
使者旂赤并丹砂
煙岫隔青經藜火
素心違舊佩刀光
夜陸離風嘶征騎
夢猶疑邊秋鼓角
星河動宿陣熊罷
草木悲化鳥金鳧
飛不定穿弓石

虎數何竒檄書遠塞聲傳捷還喜將軍斬郅支
奉版名王納玉關元戎仗鐵定天山紫臺北去胭
脂煖赤驥西來汗血斑胡女春犁歌月障健兒金
印擁刀環凌風雪漠騰秋鶚狎月滄江泛白鷗
三峽江門局上游怒濤翻入海風秋蜃噓鮫織瓊
樓市鷺起魚啣錦箔舟玉樹怨歌商婦淚明珠解
櫝賈郎愁雲帆苦盡魚沽利迴首南中古澤州
底績深思禹跡功堯封不盡九夷東豈收珠玉神
山外遠掣鯨鯢碧海中萬國氊裘開社稷十洲鱗

巴東縣志

卷之十五

甲自王公五溪瘴冷雷霆蟄時越晴蛟引渴虹
蓬瀛宮闕九重墀紫陌風煙感歲時雲啟天閭瞻
日月弓攀湖鼎泣龍螭羣公翊 聖新華袞上將
籌邊耀羽旗細草閒江干雨露巖郊吟步自委蛇

荆西懷古五首

邑令 朱滋澤

崇慶州人

雲移楚壑度荆關江入天門吼瀑懸六代上游高
虎視三湘東滙踞龍眠白衣櫓楫停何處赤幟烽
燉廢不還但使孤軍撐北伐英雄遺憾苦難捐
江上山城靄翠微猶聞蜀主舊停驂九州割據矯

王節百戰匡扶仗布衣幸祠荆襄資討伐最難甥
舅詐從違獨逢魚水君臣契吟望千秋感涕揮
彝陵東去接荆臺楚蜀山河豁地開三峽雲巒侵
日上五溪風角背江哀鐵沈燒索痕猶認斧鑿空
舫浪莫猜獨有登臨尋故宅秋風宋玉幾徘徊
萬嶺啼猿秋壑喧楚笳哀怨動江翻千峰木石蕭
森冷異代風騷變格存沙渚舊祠虛社臘秭歸何
處失山村平生屈子最悲憤憑弔今時且未論

巴東縣志

卷之十五

巴山東貫楚天青雲鎖巫峯擁蜀襟峽底魚龍翻
月窟邊秋砧杵警霜林夔封日斷鄉原迥南斗憑
瞻北塞深蕭瑟寇公雙柏老黃鸝隔葉久無音

巴山秋風亭望遠弔萊公遺跡

邑令

朱滋澤

崇慶州人

百丈巴峯倚絳霄高瞻白帝霽虹銷雷霆擊峽江
奔走雲雨空山夢寂寥尚有亭林蟠石嶺曾無鎖
鑰海門潮秋風暗度霜鐘冷疑似澶淵鼓角驕

五言排律

曉行巴峽

唐尚書右丞王維太原人

際曉投巴峽餘春憶帝京晴江一女浣朝日衆禽鳴水

巴東縣志

卷之十五

藝文律

二十八

國舟中市山橋樹杪行登高萬井出眺迥一流鳴人作殊方語鷺爲舊國聲賴多山水趣稍解別離情

送朱去非遊巴東

唐隱士孟浩然襄陽人

峴山南郭外送別每登臨沙岸江村近松門野寺深一言余有贈三峽爾相尋祖席宜城酒征途雲夢林蹉跎遊子意脊戀故人心去矣勿淹滯巴東猿夜吟

縣齋春書十二韻

寇準

縣幽無俗事公退只高吟江到荆門濶山連蜀國深峽雲長映日蠻雨易成霖羣雀鳴春院饑猿叫夜岑庭荒

多古木地僻見沙禽印鎖殘陽後人歸疊翠陰思鄉空
索寞素分信浮沉樂靜稀塵累甘閒負壯心衰容常懶
櫛病髮豈勝簪寡欲慵求友防邪每自箴澆風終恥合
前事固難謀望斷天涯外離魂欲不禁

過巴東不泊聞有萊公遺跡

蘇軾

萊公昔未遇寂寞在巴東聞道山中樹猶餘手植松江
山養豪俊林藪困英雄執板迎官長趨塵拜下風當年
誰刺史應未識三公

侶涪兄奉命赴順承王軍前招撫諸寇至巴

巴東縣志

卷之十五

藝文律

二十九

東喜贈十八韻

庚子作

齊祖望

鯨氛方竊命龍種事專征闕外饒長策江干罷戍
兵寇窮仍負固廟算薄攻城西蜀楊雄檄南荒

陸賈纓時賢難此選世望屬吾兄金殿傳天語

銀臺發使旌乘軺初出洛仗節遂臨荆暗結烏蠻

境遙宣紫禁聲三巴旋向義六詔漸歸誠却指

巫山秀還窺錦水清鷓飛秋雨急鴈下曉雲平朱

轂名臣至青衫俗吏迎第昆真快聚羈旅動歡情

邑產分黃橘家廚進素杭不知身萬里相對月三

更翻苦會時促常懷別後驚宦心籌國步客意
數王程努力麒麟閣垂光照帝京

題秋風亭

郭望安

英氣滿天地秋風剩古亭江山形壯險今昔事飄
零俛仰成陳迹瞻依式典型惟公初釋褐斯邑試
新硯未攬澄清轡先揚逼仄舲黃魔迎水窟白鹿
候林陁但見門縣牒旋看政省刑孤舟閑野渡雙
柏蔭官廳實惠敷郊鄙循聲達禁廷起居依日月
號令肅雷霆巨識明時勢良謨足緯經狼煙來鐵

巴東縣志

卷之十五

藝文律

三十

騎龍馭整雲駟刻旦巡黃屋諸州會紫綬一人申
討伐萬里掃羶腥力使金甌正功堪寶鼎銘盛名
齊富范隱禍觸王丁忠悃難長保讒言易動聽絲
綸辭內苑鎖鑰鎮邊庭貶謫傷飛鳥遷流歎泛萍
何當朝北闕從此徙南溟歸樽酒盈路焚錢竹滿
垆畢生心秉赤千載史垂青威望傳中外光華炳
斗星後民懷舊澤到處安神靈僻壤思尸俎危厓
共建瓴桂椒營爽塏蘋澡薦芳馨藹藹森喬木匆
勿換莢萸碧苔欹敗礎翠蔓骨疎櫺棟折巢啼鳩

堂虛卧老甃登階披楚樾翹首慨榛苓修屋塗丹
漆張筵酌綠醪對茲帷邃穆恍覩珮瓏玲憑弔情
何極尙論意忽醒嫉邪原有道處惡貴無形莫測
胸藏劔還應口守瓶身雖甘罟阱國已損藩屏奈
勢終秦越於情更渭涇當知關剝復漫咎露畦町
縱覽衣高振狂吟筆不停悠然望三峽逸興人蒼
冥

峽中晚眺

喬毓芬

峭壁凌空起青偷一線天帆收山腳雨篷鎖渡頭

巴東縣志

卷之十五

藝文律

絕

三十一

煙野草依巖秀蠻花傍水鮮樵歸紅葉路家在白
雲巔斷碣枯籐縮長橋古木填鐘沈深澗底網曬
夕陽邊倦鳥爭棲樹閑鷗懶避船暮看蒼藹合石
齒漱清泉

五言絕

弔寇萊公

宋王十朋

萊公經濟業志在巴東詩斯入不復見亭上秋風悲

天橋山

明邑訓導 楊培之 閩中人

玉閭繫何許遙望高無極跬步登茲橋風雨在瞬息

紅葵山

楊培之

地接崑崙遠雲蒸斗極間
野花開有意向日寸心丹

山行

喬毓芳

朝傍白雲遊夜就蒼苔宿
不見採樵人山鳥鳴古

木

七言絕

入峽次巴東

唐刑部
尚書

白居易

下邳
人

巫山暮足沾花雨楚水春多逆浪風
兩岸紅旗數聲鼓使君樓牒上巴東

巴東縣志

卷之十五 藝文絕

三十二

竹枝詞

白居易

巴東船舫上巴西波面風生雨脚齊
水蓼冷花紅簇簇江籬濕葉碧萋萋

巴山夜雨

唐處
士

羅 鄴

餘杭
人

欲問歸期未有期巴山夜雨漲秋池
何當共剪西窗燭却話巴山夜雨時

巴東有感

寇 準

長歲天涯悲斷梗逢君無處不傷情
那堪日落紅樓畔更聽蕭蕭杜宇聲

春書

寇準

年長追遊興漸凋况兼巴峽景蕭蕭閒齋爲謝楊花到
時拂殘書慰寂寥

歸州留別傅君

寇準

楊柳如絲拂畫橋此中留語欲魂銷還愁別後巴東館
獨聽空江半夜潮

秋風亭

宋御史中丞蘇轍

人知公惠在巴東不識三朝社稷功平日孤舟已何處
江亭依舊傍春風

巴東縣志

卷之十五 藝文絕

三十三

過巴東縣懷寇忠愍公

王十朋

製錦工夫早不同至今人道寇巴東澶淵一段奇功業
自在孤舟野水中

堂前雙柏今何在渡口孤舟依舊橫不似公安插竹處
凜然容貌尙如生

公自註云比過公安謁萊公祠蓋枯竹再生處也巴東祠廢可謂缺典因

成二絕以示邑官

舊縣

明教諭人思榮 長洲

人家仍在灤西東兵火遷移舊縣空山鳥不知興廢事
野花枝上語東風

竹枝詞

周憲王

巴山後面竹鷄啼
巴山前面沙鳥棲
巴水巴山到郎處
聞郎又過石門西

履畝長豐宿沿渡
河譚家庄對月

張尙儒

驟雨新涼月正圓
村人攜酒話尊前
勸將山頂勤栽樹
好向溪邊學引船

時有檢河通舟之議

巴東署中

明荆州同理人王三善 永城人

梅子嶺上望江流
石門灘下繫行舟
猿聲不斷巫山月

巴東縣志

卷之十五 藝文絕

三十四

樹到梧桐別館秋

題巴東縣署 時署縣事

國朝興山縣令胥 遇 遂寧人

余來巴東二百日
江自澄清山有高
琴劍仍歸興

邑署一簾明月聽
松濤

家人至巴東

齊祖望

蕭索山城萬里身
故園書到倍愁人
書中慈母憐
兒意但道平安不
道貧

萊公祠

國朝德安大守李映棻 西蜀人

荒峽難堆蠟淚紅
巴東人尙說萊公
使君灘上查

波水比似雷州同不同

經公孫述鎖江處

李映棻

浮橋空鎖蜀東門
躍馬蠶鳧妄自尊
一自三分得
昭烈更無人記說公孫

巴東所轄地水田甚少
居民開荒山依地形凹凸
墾作旱田不能成畝
高山苦寒晴則氣暖種物
易生低山少積水處地常苦燥
故時宜小雨潤
之與他處高田若旱低田苦澇相反

張軒鵬

巴東縣志

卷之十五 藝文絕

三十五

開荒種地半弓寬
晴雨休同沃壤看
高處喜晴低
要兩巴東倍覺做天難

題白鹿洞

邑候選
州判 張懷謙

一枕潺湲水壓廬
荒苔鹿跡認模糊
不知洞裏幽
香滿更有詩僧掃徑無

清明竹枝詞 四首

傅家瑜

山光如黛水如油
帽影鞭絲映碧流
盤載絮羹罇
載酒鼕鼕鼓樂出街頭

子女丁男隔夜邀
鷄籌三唱卽紛囂
衣衫一一翻

新樣直送香風下馬橋

石門山水淙淙笑語紛騰過大江兩岸桃紅花
簇錦一番鑼鼓幾番腔

大家羅拜坐平岡乾脯蒸豚共泛觴莫笑山中無
禮數男男女女自分行